

醫

學

綱

目

醫學綱目卷之二十五

脾胃部

積塊癥瘕 婦人血積 胎前產後積 息積

大法

丹氣不能作塊成聚塊乃有形之物痰與食積死血成聚
宜醋煮海石醋三稜莪朮桃仁紅花五靈脂附子之類石
城白朮湯下之 瓦龍子能消血塊又能消痰 治塊當
降火消食積食積即痰也行死血血塊去後須大補之

石城痰積有塊可用洗滌垢膩又能消食積 塊在皮裏
膜外須用補氣香藥開之兼二陳湯加補氣藥先須斷厚
味凡積病不可用下藥徒損真氣病亦不退當用消積藥
融化開則自消

垣治積要法 許學士云大抵治積或以所惡者攻之所
喜者誘之則易愈如礪砂水銀治肉積神麴麥蘖治酒積
水蛭重治血積木香檳榔治氣積牽牛甘遂治水積雄

黃膩粉治痰積礫石巴豆治食積各從其類也若用羣隊之藥分其勢則難取効須要認得分明是何積聚兼見何證然後增加佐使之藥不爾反有所損要在臨時通變也治積常察其所痛以知其病有餘不足可補可瀉無逆天時詳臟腑之高下如寒者熱之結者散之客者除之留者行之堅者削之强者奪之鹹以與之苦以瀉之全其氣藥補之隨其所積而行之節飲食慎起居和其中外可使必已不然遽以大毒之劑攻之積不能除反傷正氣終難復也醫者可不慎歟

諸積皆
小陰虛

諸積皆本於喜怒傷臟而陰虛陰既虛矣則風雨襲陰之虛病起於上而生積清濕襲陰之虛病起於下而成積

針灸
經

諸之

潔壯人無積虛人則有之皆由脾胃怯弱氣血兩衰四時

爲主

有感皆能成積若遽以磨堅破結之藥治之疾似去而人已衰矣乾漆礪砂三稜牽牛大黃之類得藥則暫快藥過則依然氣愈消疾愈大竟何益哉故善治者當先補虛使血氣壯積自消如滿座皆君子則小人自無容地也不問何臟先調其中使能飲食是其本也

因鬱成積

丹溪之

法補中

爲主

丹有婦人三十歲因哭子至半年後胸痞有塊如杯飲食大減面淡黃慘黑若不勝衣六脈弦細虛澁至日晡後則發寒熱予察其事勢已急補瀉兼用以補中益氣湯隨天氣寒暄加減法與東垣痞氣丸相間服方見五積門食前用湯食後用丸常令湯多於丸些少如此近一月寒熱皆退食亦稍進又以丸用湯相等服之至第二月以後忽一夜大發寒熱至天明熱退胸中之塊如失至晚手足下半節皆腫遂停藥三五日後忽一夜手足之腫如失至天明

胸中之塊復有比如前覺小一暈遂以二陳湯加桔梗白
朮枳實調理半月而安次年復生一男 一婦人四十餘
面白形瘦性急因大不如意三月後乳房下貼肋骨作一
塊漸漸長大掩心微痛腸悶飲食減四之三每早覺口苦
兩手脈微而短濟予知其月經不來矣爲之甚懼辭勿與
治思至夜半其婦尚能出外見醫梳粧言語如舊料其尚
有胃氣遂以參朮歸芎佐以氣藥作大服一晝夜與四次
外以大琥珀膏貼塊上防其長經一月餘服補藥百餘貼
食及平時之半仍用前藥又過一月脈氣漸充又與前藥
吞潤下丸百餘貼月經不及兩月而至瀉脈減五分之四
時天氣熱意其經行時必帶紫色仍與前補藥加醋炒三
稜吞潤下丸以抑青丸十五粒佐之又經一月忽報塊已
消及大半月經及期尚欠平時半日飲食甘美如常但食

肉則覺不快予令止藥且待來春木旺時又與區處至次年六月忽報一夜塊大比舊反加大半指脈畧弦左畧怯於右至數日平和自言食飽後則塊微悶食行却自平予意有動心事激之問之果然仍與前補藥加黃芩炒黃連以少木通生薑佐之去三稜煎湯吞潤下丸外以琥珀膏貼之半月值經行而塊散此是肺金爲內火所燥木邪勝土土不能運清濁相干舊塊輪廓尚在者因氣血之未盡復也濁氣稍留舊塊復起補其血氣使肺不受邪木氣平而土氣正濁氣行而塊散矣方提領年五十六丁丑年冬因飲酒後受怒氣於左脇下與臍平作痛自此以後漸漸成小塊或起或不起則痛痛止則伏而黃口乾無力食少吃此物便噁此味轉惡風寒脈之左大於右弦濇而長大率左甚重取則全弦此得熱散太多以致胃氣太傷

陰血下衰且與和胃湯以補胃氣滋養陰血并下保和丸助其化粕同胃膏陰血稍充卻用消塊和胃湯方

人參錢三

白朮半錢

陳皮錢一

芍藥

歸身各五分

乾葛三分

紅花豆大

甘藥二錢

作一貼下保和丸廿五龍薈丸十五

右三法補氣血藥為主磨積出入佐之皆補多於磨乃氣血虛甚而有積塊之法也

飲食酒肉成積

敢村婦人腹下有塊白朮湯下保和丸三十五粒王郎心痛脇有塊與

白朮錢二

青皮錢一

芍藥

木通

川芎

蒼朮錢一

甘草五分

作一貼煎下保和丸三十粒

馮氏女年三十歲形瘦色嫩滋味素厚幼年曾踏雪嘗以

火烘鞋履以致濕熱上襲至廿五歲時口嘗吐清水吞酸
醫用丁香等熱藥時止時作作時仍服前藥至當年心痛
胃痞有塊吃飯即吐些常出三之一遂與佐金丸廿四粒
以姜湯下之與三十餘次全不進食予曰結已開矣且令
止藥或口乾思飲止與半盞熟水間以青六九與之雖困
臥省床尤以絕藥爲善如此近四十日診其脈前後些微
弦重取似濡輕取稍和至此弦脈漸添遂令與人參酒芍
藥湯引金瀉木漸漸思食而苦於大便秘病家必欲行大
黃予止之遂以生芍藥陳皮桃仁人參爲丸與之用蜜煎
導大便利行而食進調理半月而安

參朮丸卽佐金丸加人參一錢是也

盧子裕左脇下因癰後食肉與酒而成塊

白朮

錢一

茯苓

枳殼

人參

作湯下阿魏五保和甘柳青十與點十玫瑰五

長垣朱郎因酒多年濕病脇上有塊腹滑泄小便黃

滑石兩

白朮

三稜

各六錢

陳皮

五錢

黃連

猪苓

各三錢

黃芩

木通

各二錢

防風

一錢

乾姜

一錢

甘草

五分

分七貼煎下保和丸二十

一丈夫肚左邊帶脇上有塊先吃阻食牛乳者成氣痛又

因酒肉塊大如桃食減三分之一

滑石兩

白朮

四錢

陳皮

三稜

三錢

蘿蔔子

連翹

黃連

各一錢

乾葛

二錢

桃仁

二錢

黃芩

一錢

甘草

半錢

右分四貼水煎服

婦人脇下有塊大如掌脈澁時有熱此虛中有氣積先與補虛次與磨積藥

白芍

歸身錢四

陳皮

白朮錢三

青皮

川芎

木通錢各一

甘草錢半

白水煎熱服

磨積藥

三稜醋炙錢一

枳實

青皮

桃仁錢各五

大黃錢五

桂枝錢半

海藻醋炙錢三

細末神麴糊丸如桐子大每服四十九

體虛有熱成積

世一孺人左脇下舊有塊漸長大脈弦而大稍數詢之近

亦發熱食亦減倦怠先與補之次攻此塊

陳皮錢五

白朮兩半

柴胡

歸頭

青皮錢各五

甘草錢一

木通錢半

右作八貼服

次與玫瑰

青皮

醋半

桃仁

三稜

醋半

桂枝

三錢

海藻

醋洗三錢

醋調神麴糊為丸

一丈夫脇下有積塊內有痰熱汗不得泄兩脈大而散軟此體有虛

三稜

白朮

黃連

人參

二錢

連翹

木通

川芎

桂枝

一錢

甘草

分五

水煎下保和丸

富小娘瘡後左脇下塊小便少

厚朴

柴胡

三稜

甘草

分五

木通

錢五

白朮

六錢半

青皮

錢下

生薑

片一

右食前熱服

下邳錢郎正月發沙因此臍邊有塊二枚發起則痛伏則
不痛有時又隱痛自炙臍中脈甚弦右手伏重取則累數
此蘊熱因春欲汗解而氣弱不能自發為汗復鬱又因食
不節邪挾宿食所以成塊宜以保和二十溫中二十抑青
十用白朮木通三稜湯下

右十一法皆補藥與磨積相半兼服之前七法治飲食
酒肉成積後三法治體虛有熱成積也

按之痛者消之

丹陳里長男廿七歲舊因飽食牛肉豆腐患嘔吐又不節
飲食右脇下生一塊漸長今大如掌痛發則見痛止則伏
其脈弦而數知此人必性急塊上不可按按則愈痛痛則
必吐黃酸苦水詢之果然或作腎氣治予曰非也此足太
陰有食積與濕痰

荔枝核

燒二箇

山梔

炒五箇去殼

枳實

炒十箇

山查

九箇

茱萸

炒九枚

一方有人參

右細研急流水一盞蕩起煎沸入生姜汁令辣食煎熱

服與六貼吐二貼服四貼與此藥且止其痛卻與消塊

藥

半夏末

六錢是角六箇水煮取汁拌半夏末曬乾

黃連

炒五錢

石城

二錢另研

已上三件同爲細末以糖棗膏爲丸如胡椒大

丹一婢色紫稍肥性沉多憂年近四十經不行三月矣小腹中有一氣塊初起如栗漸如炊餅予脈之兩手皆濇重取卻稍和試令按塊痛甚捫之高寸半遂與千金消石丸至四五次後忽自言乳頭黑且有汁恐是孕予曰非也濇脈無孕之理又與三五貼脈之稍覺虛豁予悟曰藥大峻矣今止前藥與四物湯倍白朮佐以陳皮炙甘草至三十

貼候服完再與消石丸數次勿自言塊消一暈便令莫服
又半月經行痛甚下黑血半升內有如椒核者數十粒而
塊消一半又來索藥以消餘塊予曉之曰勿性急似開矣
不可又攻若大月經行當消盡矣次月經行下少黑血塊
又消一暈又來問藥予曰且守禁忌至次月又消盡已而
果然大凡攻擊之藥有病則病受之病邪輕而藥力重則
胃氣受傷夫胃氣者清純中和之氣也惟與穀肉菜菓相
宜蓋藥石皆偏勝之氣雖參芪輩爲性亦偏況攻擊之藥
乎此婦胃氣弱血亦少若待塊盡而去藥胃氣之存者幾
希矣

一婦人年五十五歲形氣俱實富而神勞味厚性急常經
水過多醫每用瀉藥止後病氣痛留腹共有積塊大小十
三枚遇夜痛甚着床累月飲食雖減應接家事如故其脈

痰瘰成
塊有消
云之

隨氣上
寒咽中
若吐之

兩手皆瀉而弱此因屢用瀉藥致敗血積聚不行故爾時
三月間用蜀葵根煎湯再煎人參白朮陳皮青皮甘草稍
牛膝成湯入玄明粉少許研桃仁調熱飲之服至二貼腹
痛下塊一枚再并查煎服又下一枚時以病久血耗不敢
再取塊告技窮而歸後忽此症患病雖重其形質尚可受
藥但當去葵根玄明粉其後塊漸消而病安

一女子年廿一歲累因食傷胃脘有塊隨氣上塞咽中問
之又因食煨鹽配粥與

白朮

半錢

陳皮

半夏錢一

桔梗

青皮

木通

錢五

甘草

些

生薑

片二

煎服一二次病遂平復再與前藥半月後加桔梗煎一
服令其吐吐出痰積遂愈

氣結者
服之

子和息城司侯聞父死于賊乃大悲哭罷便覺心痛日增

暴折
去之

不已月餘成塊狀若覆杯大痛不堪藥皆無功議用燔針
炷艾病人惡之乃求治于戴人戴人至適巫者在其傍乃
學巫者雜以狂言以譴病者至是大笑不忍回面向壁一
二日心中結硬皆散戴人曰內經言憂則氣結喜則百脈
舒和又云喜勝悲內經自有此法

丹呂宗信年六十素好酒八月間因暑熱中得疾兩足冷
過膝上腕有塊如掌牽引脇痛不可眠臥飲食減半卻不
渴已自服生料五積散三貼予脈之六脈俱沉濇而小按
之不爲弱皆數而右爲甚大便如常小便赤色遂用大承
氣湯減大黃之半而熟炒加黃連芍藥川芎乾葛甘草作
湯下瓜蒌仁半夏黃連貝母九至十二貼足冷退至脛塊
減半遂止藥至半月飲食復舊諸症悉除

唐柳宗元纂救死方元和十二年二月得腳氣夜半痞絕

脇有塊大如石且死因太寒不知人三日家人號哭榮陽
鄭詢美傳杉木湯服半食頃大下三次氣通塊散其方用
杉木節一大升橘葉一大升無葉以皮代之大腹枳榔七
箇合搗碎之童便三大升共煮取一升半分二服若一服
得快利停後服

剛治卒暴癰腹中有如石刺痛牛膝一大把并葉酒煮飲
之

外治卒暴癰腹中有物堅如石痛欲死取蒲羅根一小束
洗滌去水細擘以酒二升漬三宿煖溫服五合至一升日
三若欲速得服於熱灰中溫令藥味出服之此方無毒神
効

右暴積急去條四方如塊除後必用補劑以救其受攻
之傷也

海萬病

紫苑九療膈腹久患痰癖如梳大及諸黃病
氣起時上氣衝心繞膈絞痛一切虫咬十種水病十種
病及反胃吐食嘔逆惡心飲食不消天行時病女人多年
月露不通或腹如懷孕多血天陰即發又治十二種風頑
痺不知年歲晝夜不安夢與鬼交頭多白屑或哭或笑如
鬼魅所着腹中生瘡腹痛服之皆効

紫苑

去苗土

吳茱萸

湯洗七次焙乾

菖蒲

柴胡

去根

厚朴

姜制各一兩

桔梗

去芦

茯苓

去皮

皂莢

去皮

杜枝

乾姜

炮

黃連

去心

蜀椒

去目及閉口微炒出汗

巴豆

去皮膜內油炒

人參

去芦各五錢

川烏

去皮三錢

加羌活

獨活

防風

各一兩

右爲細末入巴豆研勻煉蜜九如桐子大每服三九漸
加至五九七九生薑湯送下食後臨臥服有孕者不宜

服具列于後

痔漏腸風酒下 赤白痢訶子湯下 膿血痢米飲湯

下 墮傷血悶四肢不收酒下 蛔虫咬心栝榔湯下

氣噎憂噎荷葉湯下 打撲傷損酒下 中毒掃帚

灰甘草湯下 一切風升麻湯下 寸口虫棋榔湯下

霍亂乾姜湯下 咳嗽杏仁湯下 腰腎痛豆淋酒

下 陰毒傷寒溫酒下 吐逆生薑湯下 飲食氣塊

麴湯下 時氣井花水下 脾風陳皮湯下 頭痛水

下 心痛溫酒下 大小便不通燈草湯下 因物所

傷以本物湯下 吐水藜湯下 氣病乾姜湯下 小

兒天吊風搐防風湯下 小兒疳痢葱白湯下 小兒

乳食傷白湯下 月信不通紅花酒下 婦人腹痛川

芎酒下 懷孕半年後胎漏艾湯下 有子氣衝心酒

下 產暈痛溫酒下 血氣痛當歸酒下 產後心痛

腹脹滿豆淋湯下 難產益智湯下 產後血痢當歸

湯下 赤白帶下酒煎艾湯下 解內外傷寒粥飲下

室女血氣不通酒下 子死腹中某子湯下 又治

小兒驚癇大小顛狂一切風及無孕婦人身上頑麻狀

如虫行四肢俱腫呻吟等疾 楊駙馬患風氣衝心飲

食吐逆遍身枯瘦日服五九至二十日瀉出肉塊如蝦

蟬五六枚白膿二升愈 趙侍郎先食後吐目無所見

耳無所聞服五十日瀉出青蛇五七條四寸許惡膿三

升愈 王氏患大風病眉髮墮落堂肉生瘡服之半月

瀉出癩虫二升如馬尾長寸許後愈 李靈惠肥氣病

日服五九經一年瀉出肉鱉二枚愈 黃門李中風病

發時服藥泄出惡膿四升赤黃水一升一肉虫如亂髮

愈 李知府妻梅氏帶下病七年血崩不止骨痠着床

日服五九至十九十五九取下膿血五升黃水一升肉

塊如鷄子狀治愈一切萬病如神惟有孕者不宜服

局溫白丸治心腹癰塊久癥積聚大如杯碗黃疸宿食朝

起嘔吐支滿上氣時時腹脹心下堅結上來搶心傍攻兩

脇十種水氣八種痞塞翻胃吐逆飲食噎塞五種淋疾九

種心痛積年食不消化或連年瘧疾不瘥及療一切諸風

身體頑麻不知痛痒或半身不遂或眉髮墮落及療七十

二種風三十六種遁尸疰忤及顛癇及婦人諸疾斷續不

生帶下淋瀝五邪失心憂愁思慮飲食減少月水不調及

腹中一切諸疾連年癰瘦因斃或歌或笑如鬼所使但服

此藥無不除愈卽前萬病紫苑方減羌活獨活防風

萬病丸療八種痞病五種癇病十種疰忤七種飛尸十二

種毒五種黃病十二種瘡疾十種水病八種大風十二種痺并風入頭眼翳膜漠漠及上氣咳嗽喉中如水雞聲不得臥飲食不作肌膚五臟滯氣積聚不消壅閉不通心腹脹滿及胸背鼓脹氣結四肢流入胸腹又治心膈氣滿時定時發十年二十年不瘥五種下痢疳虫疣虫寸白諸虫上下冷熱久積痰飲令人多眠睡消瘦無力陰入骨髓便成漏疾身體氣腫飲食嘔逆腰腿痠疼四肢沉重不能久行久立婦人因產冷入子臟臟中不淨或閉塞不通包中瘀血冷滯出流不盡時時疼痛為惡或因此斷產并小兒赤白下痢及狐臭耳聾鼻塞等病服此藥以三丸為一劑不過三劑其病悉除說無窮蓋故稱萬病丸

牛黃

黃芩

芫花

禹餘糧

雄黃

馬薊

人參

紫堇

蒲黃炒

麝香研

當歸去

桔梗去

大戟炒

乾姜炮

防風去

黃連去

朱砂研

犀角鎔

前胡去

巴豆去皮心

細辛去

葶藶炒

肉桂去粗

茯苓去

桑白皮炒

芍藥

川椒去目及閉口者微炒出汗

甘遂各一

蜈蚣去頭足

芫青二十八枚入大

米同炒黃

石蜥去頭足

右爲細末入研藥勻煉蜜爲丸如葶大若一歲已下小

兒有疾者令乳母服兩小葶大亦以吐利爲度近病及

卒病多服積病久疾卽少服常服微瀉利爲度 卒病

欲死服三九取吐利卽瘥 卒中惡口噤服二九漿水

下利卽瘥 五疰鬼刺客忤服二九 男女邪病歌哭

腹大姪娠者服二九日三夜一間食服之 蠱毒吐血

腹如刺服二九不瘥更服 瘡病未發前服一九未
更服 諸有痰飲者服三九 冷癖日三服每服三九
皆間食常令微瀉利 宿食不消服二九取利 癰瘕
積聚服二九日三服 拘急心腹脹滿心痛服三九
上氣嘔逆胸膈滿不得臥服二九不瘥更服 大痢服
二九日二服 疔瘰服二九或一九如杏仁大和醋二
合灌下部中 水病服三九日再服間食服之瘥止
人弱卽隔日服 頭痛惡寒服二九覆取汗 傷寒天
行服二九日三服間食服之 小便不通服一九不瘥
明日更服 大便不通服三九又內一九下部中卽通
耳聾停急以綿裹如棗核塞之 臭舛服一九 癰
腫疔腫破腫內一九如麻子大日一傳之赤根自出
犯疔腫血出以猪脂和塗有孔則內孔中瘥 癰瘡以

醋洗訖取藥和猪脂傅之 漏瘡有孔以一丸內孔
中和猪脂傅上 痔瘡塗綿筋上內孔中卽瘥 瘰癧
以醋和塗上瘥 癰瘡以布揩令汗出以醋和塗上日
一易瘥 胸背腰脇腫以醋和傅腫上日一易又服二
丸 諸冷瘡積年不瘥者以醋和塗之 惡刺以一丸
內瘡孔中卽瘥 蝨蛇螫以少許內螫處若毒入腹心
煩欲絕者服三丸 蜂螫以少許傅之瘥 婦人諸疾
胞衣不下服二丸 小兒驚癇服一丸如米許以塗乳
令小兒吮之看小兒大小加減 兒客忤服一丸如米
大和乳塗乳頭令吮之以意量之 蝎螫以少許傅之
瘥 小兒乳不消心腹脹滿服一丸如米許塗乳頭令
吮之卽瘥

羅乾柿丸取虎黃積下膈甚妙

朱砂

研為末

沒藥

猪牙皂角

去皮弦子為細末

乾姜

炮為末

乾漆

京三稜

炮為末輕粉一錢

青礞石

各一錢

巴豆

三十粒去皮

水銀

一錢

右件各研勻軟飯和為丸如葉豈大煎柿蒂湯冷下三

五丸加減用婦人有胎不可服

熱積寒消之

小腸移熱於大腸為久痢為沉病傳變

千消石丸治瘰癧

硝石

六錢

大黃

人參

甘草

各三錢

右各為末先將硝黃末以三年苦酒先煎候將乾却用

參甘二末和勻為丸每三十九丸米湯下四日一服候下

如雞肝或如米泔赤黑色等効下後忌風冷

羅醋煮三稜丸治一切積聚不拘連年近日治之神効

京三棱

四兩醋炙透竹筴切晒乾

川芎

二兩醋炙

大黃

半兩醋炙濕希異煨過

右三味同爲末醋糊爲丸如桐子大每三十九溫水下不拘時病甚者一月効小者半月効

羅神功助化散專治男子婦人腹中痞塊不拘氣血食積所成此方之妙不可盡述

地漏蒿

五錢

瞿麥

五錢

大麥蘖

五錢

神麴

二錢

沉香

一錢

木香

一錢

甘草

五錢

大黃

二兩

右爲細末淨依分兩和勻男以甘草淡竹葉二味等分煎湯及無灰酒同調服酒多於湯婦人用紅花燈心當歸等分煎湯及無灰酒同調服酒多於湯忌油膩動氣之物及房事一月藥須用黃昏服大小便見惡物爲度神妙非常誓不輕傳匪人

聖散子治遠年積塊及婦人乾血氣

硃砂六兩

大黃六兩

麥蘖六兩

乾漆燒過

芎藭

茴香炒

枳殼各一兩

如婦人乾血

氣加川山甲二兩

右爲細末每服三錢溫酒調下仰臥此藥只在心頭至天明大便如魚腸小便赤爲驗取出並無毒有神効小兒用一錢十五已上五錢空心服之更効

寒熱
消之

寒氣客於小腸膜原之間絡血之中血泣不得注於大經

血氣稽留不得行故宿昔而成積矣

全文

海紅丸子治大人脾積氣滯胸膈滿悶面黃腹滿脹四肢無力酒積不食乾嘔不止脾連心胸及兩乳痛婦人脾血積氣諸般血癥氣塊及小兒食積骨瘦面黃肚脹氣急不嗜飲食漸成脾虛不拘老少並宜服之

京三稜五斤水浸軟分切作小片子

蓬朮五斤

陳皮五斤揀淨

青皮五斤

胡椒三斤

乾姜二斤炮

右研六味同為細末醋糊為丸桐子大礬紅為衣每三

十丸食後姜湯吞下

羅雞爪三稜九治五臟瘰癧氣塊

雞爪三稜

石三稜

京三稜

木香

青皮去

陳皮去白各半兩

硃砂三錢

檳榔

肉苳菴

各一兩

右為細末生薑汁麴糊為丸桐子大生薑湯送下

礪砂煎九消積磨塊一切凝滯

黑附子

二枚各重五錢已上者炮裂去皮臍制作茺子

木香三錢

草撥兩

礪砂

三錢用水一盞續續化開納在茺內火上煑乾

破故紙

一兩隔紙煑炒

右將飛過礪砂末封在附子窰內却用剗出附子末蓋口用和成白麵裹約半指厚慢火灰內燒勻黃色去麪用木香等爲細末卻用元衆附子熟黃麪爲末醋調煮糊爲丸如桐子大每服十五丸至三十丸生姜湯送此藥果有奇功

本治癥九治丈夫女人小兒年深日近沉積癥塊面色青黃時上搶心吐水吞酸舌生白沫婦人積年月經不調漸成血氣或血蠱塊中焦之間覆如杯碗連年累月漸成瘦瘠寒熱往來一切脾胃受寒久不痊愈之疾並皆治之

巴荳

五兩去油膜

蓬朮

三兩醋炙透

京三稜

三兩醋炙透

丁香皮

二兩

木香

半兩

丁香

半兩

厚朴

三兩製

石菖蒲

二兩

良姜

半兩

蜜虫

半兩炒

川牛膝

一兩

香附子

四兩炒

石蓮子

肉二兩

薏苡仁

一兩炒

史君子

三兩去壳

右爲細末稀麪糊爲丸如棗豆大積年癥瘕成塊者第一服用熟水下二十丸自後每日三九五丸更量虛實加減與之五日去盡積塊若近脾胃有積者每服五九米飲吞下一服取効婦人血氣成塊及血瘀每服二十丸用蘇木酒童子小便各一半煎五七沸令溫空心吞下自後每日用溫酒下三九其血塊逐旋消從大小便去盡自知小兒就重腹痛不能忍日夜叫喚百藥不救者陳皮湯下七丸立効諸重皆宜下嘗服或白湯或姜湯下三五丸中酒及酒積大便鮮臭者白湯與酒各半吞十丸立効如神一切咽塞心下硬痛皆用棗湯下五丸不拘時候

寒熱通
用方

羅玄胡索丸治吐利腹脹心腹痛癥瘕氣結重煩不安順
三焦和脾胃

玄胡索

當歸

青皮去白

雄黃飛

廣茂炮

木香

檳榔

京三稜炮各四兩

右為細末入雄黃末水糊為丸桐子大生薑湯下

荆蓬煎丸破瘰癧消癥塊冷熱積聚胃膈症悶通利三焦升降陰陽順氣消食

京三稜

二兩酒浸多三日夏一日

枳殼炒一兩

廣茂二兩醋浸冬三

日夏一日已上二味同以去皮巴豆二十箇銀器內炒令黃色不用巴豆

木香去根

青皮去白

茴香炒微

檳榔各一兩

右為細末水糊為丸豌豆大每服三十丸生薑湯下

丹潤下丸治積塊方見咳嗽

此二賢散消積塊進食

橘紅一斤

甘草四兩

鹽兩

右用水二四碗從早煮至夜以爛為度水乾則添水晒

乾為末淡姜湯調下有塊者加姜黃半兩同前藥煮

氣滯加香附二兩同前藥煮 氣虛者加沉香半兩另

入噤口痢加蓮肉二兩去心另入

右自久積緩除條至此一十六方皆純是磨積之劑必

用補氣血藥相兼服之純用之致死乃醫殺之也謹之

驚積驚風成塊者妙應丸加川山甲炒鱉甲燒各三錢玄胡索

蓬朮各四錢每五十九加至七十九以利為度

妙應丸方

見痰

茶積

丹茶癖喜吃茶及吃乾茶者

石膏

黃芩

升麻

為末沙糖調服

酒積

世酒積方累効

烏梅肉一兩

半夏麴七錢

青木香四錢

枳實半兩

砂仁半兩

杏仁三錢

巴霜一錢

黃連酒浸一兩

虫積

右爲末蒸餅丸菰葶大每八九白湯送下

褚澄傳云澄善醫爲吳郡太守百姓李道念以公事到郡澄見謂曰汝有重病答曰舊有冷病至今年久衆醫不瘥澄爲診曰汝病非冷非熱當是食白淪雞子過多所致令取蒜一升煮食吐一物如升涎聚之間看是雞雛羽翅爪距具足能行走澄曰此未盡更服餘藥又吐得如向者有十三頭而病都瘥

衍有人病心腹滿煩彌二歲診曰腹有蟲誤食髮而然令餌雄黃一劑少選吐一蛇如搏指無目燒之有髮氣乃愈此殺毒虫之驗也

右二方吐虫積之法也

丹治食積死血痰積成塊在兩脇動作腹鳴嘈雜眩運身熱時作時止

兩脇下積塊

黃連

一兩半用柴萆益智同炒止用黃連

山梔

半兩炒

川芎

神麴

桃仁

去皮

三稜

蓬朮

各半兩並酒漬

香附

童便浸

山查

各一兩

蘿蔔子

炒一兩半

右麴糊丸

又方有青皮半兩白芥子一兩半炒

治脇痛有塊龍薈丸

二錢半起升方見治虛實加姜黃

桃仁

各半兩

右蜜丸服

世小阿魏丸治脇下積塊

三稜

醋炙一兩

蓬朮

醋製一兩

青皮

醋製二兩

胡椒

錢三

木香

一兩

麝香

分二

阿魏

二錢半

右爲末醋煮陳倉米粉爲丸桐子大

此下法

子和菓園劉十平妻腹中有塊如瓢十八年矣經水斷絕

諸法無措戴人令一月之內涌四次下六次取去痰約一

二桶其中不化之物有如葵葉煮爛魚腸之狀涌時以木

如意攪之覺病積如括漸漸而平及積既盡塊痕反窪如
白畧無少損至是而面有童色經水復行若當年少可以
有子

塊部分

丹治塊在何部分 在中為痰飲 在右為食積 在左

痰食氣
血諸積
方

為血積 潤下丸治痰積方見

阿魏丸去諸積

山查

南星

皂角水浸

半夏

同南星浸

麥牙

神麴

黃連

各一兩

連翹

阿魏醋浸

瓜蒌

貝母

各半兩

風化硝

石減

胡黃連

白芥子

各二錢半

蘿蔔子

一兩

右為丸姜汁浸吹餅丸一方加香附蛤粉治嗽

羅破積導飲丸治內有積塊堅硬飲食不消心下痞悶

木香

枳榔

陳皮去白

青皮去白

枳殼炒

枳實炒

廣茂炮

京三稜炮

半夏湯洗七次

神麴炒

麥蘖炒

茯苓

乾姜

澤瀉

甘草炙各五錢

牽牛頭末六錢

巴豆三十枚去皮心膜

右為細末入巴豆霜令勻生姜汁打麴糊為丸如桐子

大每服三十九溫姜湯送下食前

無小三稜煎治食癥酒痞血癥氣塊時發刺痛全不思食

積滯不消心腹堅脹痰逆嘔噦噎酢吞酸

京三稜

蓬朮各四兩

芫花一兩去梗葉

右同入甌器中用米醋五升浸滿封器口以炭火煨令

乾取出稜不將芫花以餘醋炒令微焦焙乾為末醋糊

丸如棗豉大每十五丸生姜湯下

羅神効五食湯丸取虛實積氣食蠱脹積塊水氣年深痞

痼並皆治之

大戟

括去

甘遂

生各

猪牙皂角

生去

胡椒

生

芫花

醋浸一宿取

出炒各一兩

巴豆

去皮膜

二十沸
研半兩

右件除巴豆杵羅爲末入巴豆再研勻水煮麵糊爲丸如菰荳大每服五七丸氣實者十九夜臥水一盞入白米白麴黑荳生菜猪肉各少許煎至半盞去查候湯溫下藥取下病忌油膩粘滑物婦人有胎者不可服

必効療癰取車下李仁微湯退去皮及並仁者咀乾麴相拌搗爲餅如麴乾和淡水如常浸麴法作餅大小一如病人掌爲二餅微炙黃至熟空腹食一枚當大利如不利更食一枚或飲熱粥汁以利爲度若至午後利不止卽以醋飲止之利後當虛病未盡者量力一二日更進一服以病

盡為限小兒亦以意量之不得食酪及牛馬肉等無不効

丹保和丸治食積酒積方見傷食

阿魏丸治肉積及飽食停滯胃壯者宜此脾虛者勿服

山查 蘿蔔子 神麴 麥芽

陳皮 青皮 香附各二兩 阿魏一兩醋

研 右炊餅丸

又方龍薈丸加白鵲糞大能消食積或入保和丸

羅流氣丸治五積六聚癥瘕癖塊留飲

木香 川茴香炒 青皮 廣茂炮

陳皮咀 蘿蔔子炒 補骨脂炒 萆薢茄

砂仁 神麴炒 麥蘖炒 枳殼麸炒各

牽牛一兩半 檳榔一兩

右為細末麴糊為丸如桐子大食後每服三十九細嚼

白薤薤仁一枚白湯送下

丹治血塊丸

海粉鹽

三稜醋

蓬朮

桃仁

紅花

五靈脂

香附

石城

右爲丸白木湯吞下

木主瘕積滿腹諸藥不瘥者取白馬尿服之愈

世治腹中有塊猪腰子一隻切薄片木鑿子肉一兩與猪腰片相間縛定外用濕紙包火內煨熟取出去紙搗盆內搗如泥入黃連末和爲丸每服廿丸烏梅甘草湯吞下第二服廿五丸三服三十九丸漸加至以痛爲度大便利其塊自消有神効

積有常
或偏載
里無常
成於府

難病有積有聚何以別之然積者陰氣也聚者陽氣也故陰沉而伏陽浮而動氣之所積名曰積氣之所聚名曰聚

故積者五臟所生聚者六腑所成也積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處故謂之聚故以是別知積聚也

五十五難○治聚法見末條

仲病有積有聚有聲氣何謂也師曰積者臟病也終不移聚者腑也發作有時展轉痛移為可治聲氣者脇下痛按之則愈復發為聲氣

肝積曰

素青脈之至也長而左右彈有積氣在心下支胛名曰肝

脾積曰

痺得之寒濕與疝同法腰痛足清頭脈緊是也

五藏生成篇

難肝之積名曰肥氣在左脇下如覆杯有頭足久不愈令人發欬逆噎噎連歲不已以季夏戊巳日得之何以言之肺病傳肝肝當傳脾脾季夏適王王者不受邪肝復欲還肺肺不肯受故留結為積故知肥氣以季夏戊巳日得之

五十一

肝脈微急為肥氣在脇下若覆杯金匱見治

心積面赤脈數

素赤脈之至也喘而堅診曰有積氣在中時害於食名曰

心下實死在

心痺得之外疾思慮而心虛故邪從之五藏生帝曰病

有少腹盛上下左右皆有根此為何病可治否岐伯曰病

名曰伏梁帝曰伏梁何因而得之岐伯曰暴大膿血居腸

胃之外不可治治之每切按之致死帝曰然何以故岐伯

曰此下則因陰必下膿血上則迫胃脘生膈俠胃脘內瘕

此久病也難治居臍上為逆臍下為從勿動亟奪腹中論

云生當作出林註云帝曰人有身體懈骨股胕皆腫環

臍而痛是為何病岐伯曰病名伏梁此風根也其氣溢於

大腸而著於盲有之原在臍下故環臍而痛也不可動之

動之為水溺瀦之病同上

難心之積名曰伏梁起臍上大如臂上至心下久不愈令人病煩心以秋庚辛日得之何以言之腎病傳心心當傳肺肺秋適王王者不受邪心復欲還腎腎不肯受故留結為積故知伏梁以秋庚辛日得之

五十難六

心脈微緩為伏梁在心下上下行時唾血

全文見治虛實法

脾橫面黃脈大而虛定在中脘

黃脈之至也大而虛有積氣在腹中有厥氣名曰厥疝

女子同法得之疾使四肢汗出當風是也

五藏生成篇新當作諸字

難脾之積名曰痞氣在胃脘覆大如盤久不愈令人四肢不收發黃疸飲食不為肌膚以冬壬癸日得之何以言之肝病傳脾脾當傳腎腎以冬適王王者不受邪脾復欲還肝肝不肯受故留結為積故知痞氣以冬壬癸日得之

六難

脾脈微大為痞氣腹大臍血在腸胃之外

全文見治虛實法

肺積和
白脈數
而浮定
在右脇

素白脈之至也喘而浮上虛下實驚有積氣在胸中喘而

虛名曰肺痺寒熱得之醉而使內也五藏生痰管也
喘謂脈躁暴也

難肺之積名曰息責在右脇下覆大如杯久不已令人洒

淅寒熱喘咳發肺壅以春甲乙日得之何以言之心病傳

肺肺當傳肝肝以春適王王者不受邪肺復欲還心心不

肯受故留結為積故知息奔以春甲乙日得之五十
六難

肺脈滑甚為息責主氣全文見
虛實法

素黑脈之至也上堅而大有積氣在小腹與陰名曰腎痺

得之沐浴清水而臥是也

難腎之積名曰黃豚發於少腹上至心下若豚狀或下或

上無時久不已令人喘逆骨瘦少氣以夏丙丁日得之何

以言之脾病傳腎腎當傳心心以夏適王王者不受邪腎

復欲還脾脾不肯受故留結為積故知黃豚以夏丙丁日

得之_{五十}
_{六難}

腎脈微急為沉厥奔豚足不收不得前後_{全文見治}

_{治五積法}

肝之積肥氣丸治積在左脇下如覆杯有頭足久不愈

令人咳逆瘕瘕連年不已

厚朴_{兩半}

黃連_{錢七}

柴胡_{兩二}

椒_{去目用}

巴豆霜_{五分}

川烏_{炮去皮脂}

乾姜_{五分}

皂角_{去皮弦子}

_{候一錢半}

白茯苓_{一錢}

廣茂_炮

昆布

人參_{各二錢半}

甘草_{三錢}

右除茯苓皂角巴豆外為極細末再另研巴豆霜旋旋

入和勻煉蜜丸如桐子大初服二丸一日加一丸二日

加二丸漸加至大便微溏再從兩丸加服周而復始積

減大半勿服

右後積藥依此法服之春夏秋冬另有加減法在各條

下秋冬加厚朴一半通煎重一兩減黃連一錢半若治風癰於一料中加人參茯苓菖蒲各三錢黃連只依春用七錢雖秋冬不減淡醋湯送下空心服

加減肥氣丸 仲夏合此治同前

柴胡

厚朴各半兩

黃連兩一

川椒

甘草

各五分

巴霜三錢

乾姜兩半

肉桂二錢

人參

兩半

川烏三錢

右除巴莖末外同爲細末旋入巴霜研勻煉蜜丸如桐子大初服二九一日加一九二日加二九漸加至大便秘澀再從二九加服淡醋湯下空心服利大便秘行秋冬去生薑半錢加厚朴一倍減黃連一半

心之積伏梁丸治起臍上大如臂上至心下久不愈令人心煩

黃連一兩半

人參兩半

厚朴去皮製半兩黃芩去皮三錢

肉桂錢一

乾姜

巴豆霜川烏去皮各五

分

紅荳

茯神去皮各一錢丹參錢一

菖蒲分五

右除巴豆霜外為末另研荳霜旋入和勻煉蜜為丸如桐子大初服二九一日加一九二日加二九漸加至大便微澀再從二九加服淡黃連湯下食達周而復始即減半勿服秋冬加厚朴半兩通前共一兩減黃連半兩只用一兩黃芩不用

脾之積病氣丸氣在胃脘腹大如盤久不愈令人四肢不收發黃疸飲食不為肌膚

厚朴製半兩

黃連去錢八

吳茱萸洗錢二

黃芩錢二

白茯苓另為末

澤瀉各一錢

巴豆霜另研四分

乾姜炮一錢五分

白朮錢二

川烏地五去皮

人參錢一

茵陳半

縮砂半錢

桂分四

川椒分五

右除巴豆霜茯苓另研為末旋入外餘藥同為細末煉蜜為丸如桐子大初服二九一日加一九二日加二九漸加至大便微溏再從二九加服淡甘草湯下食達周而復始積減大半勿服

加減痞氣丸 孟秋合此

黃芩

酒製三分

厚朴

錢一

黃連

酒製

半夏

各五分

益智

分三

吳茱萸

分三

紅花

分五

青皮

分二

歸尾

分三

澤瀉

分五

茯苓

神麴

廣茂

昆布

各二分

橘皮

去白三分

熟地

分二

人參

分二

附子

分三

甘草

炙

巴豆霜

葛根

各二分

右為末蒸餅為丸桐子大初服二九一日加一九二日加二九漸加至大便微澹再從二九加服淡甘草湯送下

肺之積息奔丸 治左右脇下覆大如杯久不已令人洒淅寒熱喘咳嗽發肺癰

厚朴

姜製八錢

黃連

炒一兩三錢

乾姜

炮一兩錢半

桂枝

去皮一錢

巴豆霜

分四

白朮

半錢

川烏

炮去皮一錢

川椒

去汗半錢

人參

二錢

桔梗

錢一

紫苑

去苗一錢半

青皮

五分

陳皮

京三稜

炮

天門冬

白苳蔻

各一錢

右除茯苓巴豆霜旋入外餘藥為末煉蜜丸如桐子大每服二九一日加一九二日加二九加至大便微澹再從二九加服煎淡生姜湯送下食達周而復始積減大半勿服秋冬加厚朴五錢通前一兩三錢黃連減七錢

用六錢

加減息奔丸 仲夏合此其積為病寒熱喘咳氣上奔脈
瀉失精亡血氣滯則短氣血凝泣則寒熱相參氣分寒
分熱治法宜益元氣洩陰火破氣削其堅也

川烏錢一

乾姜錢一

人參錢二

陳皮錢八

黃連二錢

紫苑錢一

桂枝錢二

巴豆霜分四

厚朴半錢

青皮分七

川椒錢半

紅花錢少

茯苓半錢

桔梗錢一

白豆蔻錢一

京三棱半錢

天門冬錢半

右件為末湯泡蒸餅為丸如桐子大初服二九一日加

一九二日加二九加至大便微瀉為度再從二九加服

煎生姜湯送下食前忌酒濕麪辛辣生冷之物

腎之積奔豚丸發於小腹上至心下若豚狀或上下無時

久不已令人喘逆骨疼少氣及治男子內結七疝女子瘕聚帶下

苦棟

酒煮三錢

黃連

炒五錢

白茯苓

二錢

澤瀉

二錢

川烏

炮五錢

芎藭

二錢

玄胡索

半錢

全蝎

一錢

附子

一錢

巴豆霜

四分

厚朴

姜製七錢

獨活

一錢

丁香

五分

肉桂

三分

右除巴豆霜茯苓另爲末旋入外餘藥爲細末煉蜜丸如梧子大初服二丸一日加一丸二日加二丸漸加至大便微瀉再從二丸加服淡鹽湯送下食遠周而復始病減大半勿服秋冬加厚朴半兩通前用一兩二錢如積勢堅大先服前藥不減於一料中加存性牡蠣三錢疝帶勿加如大積大聚消其大半乃止藥過劑則死如積滿腹或半腹先治其所起是何積當先服本

藏積藥諸疾自愈是治其本也餘積皆然 如服藥人
覺熱加黃連 如服藥人氣短加厚朴 如服藥人悶
亂減桂

鑒肝之積伏柴溫白丸加柴胡川芎治之 心之積肥氣
溫白丸加菖蒲黃連桃仁治之 脾之積痞氣溫白丸加
吳茱萸乾姜治之 肺之積息奔溫白丸加人參紫苑治
之 腎之積奔豚溫白丸加丁香茯苓遠志治之溫白丸方見前
丹黃福六舅子十餘歲左脇有塊能飲食

青皮細切

三棱

柴胡三分

桂枝

川芎

防風各二錢

白朮二錢半

木通一錢半

海藻一錢

甘草一錢

右分七貼煎取半盞下保和丸十五粒忌一切

無肥氣丸治肝之積氣三脇下如覆杯其脈弦而細

青皮炒

當歸各

蒼朮

各一兩半

蛇含石

煨研

分

蓬朮

三稜

鐵華粉

各一兩

三稜蓬朮同入醋煮一伏時

右為末醋煮米糊丸葉荳大每服四十九當歸酒下

海治伏梁在心下結聚不散用桃奴三兩為末空心溫酒

調下桃奴是桃實着樹不落者正月採樹上乾桃子是也

出煙

本治肺喘久不愈為息貫五靈丸

五靈脂

二兩

木香

半兩

馬兜鈴

去壳炒

紫蘇

右為細末枣肉和丸如桐子大每服二十九生薑湯下

日三

肺之積名曰息奔在右脇下大如杯令人洒淅寒熱喘嗽

發肺癰重膏丸

葶藶

陳皮

桔梗

各等分

右下二味為末入葶藶研勻煮肥壅肉和丸如桐子大
每服五七丸飲下予嘗患停飲久漬肺經食已必噎喘
覺肺系大急服此良驗

定喘急肺積葶藶丸

苦葶藶

一兩當歸

肉桂

白茯苓

驚甲

川烏頭

乾姜

吳茱萸

大杏仁

茯苓

人參

各五錢

檳榔

右為細末煮壅肉和杵丸如桐子大每服二三十丸姜
末湯下日四服不拘時候

師曰奔豚病從小腹起上衝咽喉發作欲死復還止皆從
驚恐得之故越人曰驚者神上越也

仲景謂奔豚從驚得之蓋奔豚病上衝

咽喉者隨奔豚氣上衝胸腹痛往來寒熱奔豚湯主之

甘草

芍藥

當歸

各二兩

半夏

四兩

黃芩

二兩

生姜

三兩

芍藥

二兩

乾薑

三兩

甘李根

白皮一升時乾

右九味以水二斗煮取五升溫服一升日三夜一服

茯苓桂枝甘草大棗湯治臍下悸欲作奔豚桂枝加桂

湯治奔豚氣從小腹上至心

已上二方並見傷寒

無散聚湯治有塊痛無常處展轉動移

半夏

枳實

當歸

各一兩

陳皮

杏仁

去皮

桂心

二兩

茯苓

甘草

炙

附子

炮去

皮

川芎

枳殼

燒

吳茱萸

湯洗

厚朴

姜製

各一兩

右劉散每四錢水一盞半煎七分去渣食前服

運氣積塊皆從濕土經云土太過曰敦阜敦阜之化甘

濡積并積是也

方

琥珀膏貼塊方見瘡又貼塊三聖膏用石灰十兩細

篩過炒紅急用好醋燉成膏入大黃末一兩官桂末半兩

攪勻以瓦器封貯紙攤貼患處火烘熱貼大黃須錦紋者

又貼塊

白鴿糞二兩 白芷三兩 硫黃 白蘇

木鱉子肉各一兩

右為末用麝水調和傳患處

貼積聚塊

大黃 朴硝各一兩

各為末大蒜搗膏和勻貼之

集驗尉痃吳茱萸三升碎之以酒和煮熟布裹熨微上

診

冷更炒更番用之癥移走逐熨之候消乃止

黃帝曰人之善病腸中積聚者何以候之少俞答曰皮膚薄而不澤肉不堅而淖澤如此腸胃惡則邪氣留止積聚乃傷脾胃之間寒溫不次邪氣稍至稽積留止大聚乃起

五變

胃中有癖食冷物者痛不能食食熱則能推而外之內而不外心腹積也

全文見諸脈診病雜文

人病有沉滯久積聚可切脈而知之耶然診病在右脇有積氣得肺脈結脈結甚則積甚結微則氣微診不得肺脈而右脇有積氣者何也然肺脈雖不見右手脈當沉伏其外痼疾同法耶將異也然結者脈來去時一止無常數名曰結也伏者脈行筋下也浮者脈任肉上行也左右表裏法皆如此假令脈結伏者內無積聚脈浮結者外無痼

疾有積身脈不結伏有痼疾脈不浮結為脈不應病病不
應脈是為死病也十八

仲諸積大法脈來細而附骨者乃積也寸口積在胸中微
出寸口積在喉中關下積在臍傍上關上積在心下微下
關積在少腹尺中積在氣衝脈出在左積在左脈出在右
積在右脈兩出積在中央各以其部處之

蓋太陰瀆則病積心腹時滿厥陰瀆則病少腹積氣少陰
瀆則病積澼血陽明瀆則病積時善驚太陽瀆則病積時
善顛疾少陽瀆則病積時筋急目痛四時病寸口脈沉
而橫曰脇下有積腹中有橫積痛平人氣象論○即動脈
也

脈左手脈橫癥在左右手脈橫癥在右脈頭大者在上頭
小者在下脈遲而滑中寒有癥結偏得洪實而滑為積

弦緊亦爲積爲寒痺爲疝痛內有積不見脈難治見一脈相應爲易治諸不相應爲不治 脈弦腹中急痛腰背痛相引腹中有寒疝瘕脈弦緊而微細者微也夫寒痺瘕瘕積聚之脈皆弦緊若在心下卽寸弦緊在胃脘卽關弦緊在臍下卽尺弦緊 脈弦小者寒痺

心肺有積痺其脈皆喘數經云赤脈之至也喘而堅診曰有積氣在中名曰心痺白脈之至也喘而浮上虛下實有積氣在胸中喘而虛名曰肺痺是也

肝有積其脈弦長而青經云青脈之至也長而左右彈有積氣在心下支胛名曰肝痺是也

脾腎有積痺其脈皆大經云黃脈之至也大而虛有積氣在腹中黑脈之至也上堅而大有積氣在小腹與陰名曰腎痺王註云上謂寸口是也全文見上藏府條

三部之
積此山
生

脈診人心腹相聚其脈堅強急者生虛弱者死 脈弦而
伏者腹中有癥不可轉也必死不治

黃帝問曰夫百病之始生也皆生於風雨寒暑清濕喜
怒喜怒不節則傷臟風雨則傷上清濕則傷下三部之氣
所傷異類愿聞其會岐伯曰三部之氣各不同或起於陰
或起於陽請言其方喜怒不節則傷臟臟傷則病起於陰
也清濕襲虛則病起於下風雨襲虛則病起於上是謂三
部至於其淫泆不可勝數百病始生是故虛邪之中人
也始於皮膚皮膚緩則腠理開開則邪從毛髮入入則抵
深深則毛髮立毛髮立則淅然故皮膚痛留而不去則傳
舍於絡脈在絡之時痛於肌肉其痛之時息大經乃代留
而不去傳舍於經在經之時洒淅善驚留而不去傳舍於
輪在輪之時六經不通四肢則肢節痛腰脊乃強留而不

風雨集
虛之積

去傳合於伏衝之脈在伏衝之時軀重身痛留而不去傳
合於腸胃在腸胃之時貴嚮腹脹多寒則腸鳴飧洩食不
化多熱則瀉出糜留而不去傳合於腸胃之外募原之間
已上數端皆邪氣襲虛留而不解去以次相傳未曾留
着無有定所若留着而有定所則不能傳矣所謂留着
者當如下文法云

留着於脈稽留而不去息而成積或着孫脈或着絡脈或
着經脈或着輪脈或着於伏衝之脈或着於膺筋或着於
腸胃之募原上連於緩筋邪氣淫泆不可勝論 其着孫
絡之脈而成積者其積仁來上下臂手孫絡之居也浮而
緩不能拘積而止之故往來移行腸胃之間水淥滲注灌
濯濯有音有寒則膜膜滿雷引故時切痛 其着於陽明
之經則挾臍而居飽食則益大飢則益小 其着於緩筋

有濕熱
之積

也似陽明之積飽食則痛飢則安 其着於腸胃之募原也痛而外連於緩筋飽食則安飢則痛 其着於伏衝之脈者揣之應手而動發手則熱氣下於兩股如湯沃之狀 其着於脅筋在腸後者飢則積見飽則積不見按之不得 其着於輸之脈者閉塞不通津液不下孔竅乾壅此邪氣之在外入內從上下也

此謂風雨發陰之虛病起於上而積生也

黃帝曰積之始生至其已成奈何岐伯曰積之始生得寒乃生厥乃成積也黃帝曰其成積奈何岐伯曰厥氣生足惋足惋生脛寒脛寒則血脈凝清血脈凝清則寒氣入於腸胃入於腸胃則膜脹膜脹則腸外之汁沫迫聚不得散日以成積卒然多食飲則腸滿起居不節用力過度則絡脈傷陽絡傷則血外溢血外溢則衄血陰絡傷則血內溢血內溢則後血腸胃之絡傷則血溢於腸外腸外有寒

汁沫與血相搏則并合凝聚不得散而積成矣卒然外中於寒若內傷於憂怒則氣上逆氣上逆則六輪不通溫氣不行凝血瀦裏而不散津液瀦滲着而不去而積皆成矣此謂清濕葉陰之虛病起於下而成積也

自也傷
積之積

黃帝曰其生於陰者奈何岐伯曰憂思傷心重寒傷肺忿

怒傷肝醉以入房汗出當風傷脾用力過度若入房汗之

針灸

浴則傷腎此謂喜怒傷臟病起於陰也風雨葉陰之虛則病起於上而生積清濕葉陰以虛則病起於下

而成積此內外三部皆受病其病方成矣此內外三部之所生病者也黃帝曰

善治之奈何岐伯對曰察其所痛以知其應有餘不足當

補則補當瀉則瀉毋逆天時是謂至治

手少陰筋病內急心承伏梁下為肘網治在燔針劫刺以

知為數以痛為輸其成伏梁唾血膿者死不治

手太陰筋病甚成息奔脇急吐血手心主筋病胸痛息奔

皆治在燔針劫刺以知爲數以痛爲輸

經文並見經筋

癥瘕積塊先於塊上針之甚者又於塊首一針塊尾一針立應針訖灸之 又三里灸之

玉氣塊 照海 內關 通谷 又積塊 章門 中脘

灸皆三報之 氣海 天樞 上脘 通谷 經川

傷寒煩思氣積中脘主之 腹中積上下行懸樞主之

大腸轉氣按之如覆杯熱引胃痛脾氣寒四肢煩不嗜

食脾俞主之 腹中積聚時切痛商 一作曲主之 胞中

有大疝瘕積與陰陽相引而痛苦痛泄上下出補尺澤太

谿手陽明寸口皆補之

伏梁氣狀如覆杯 上脘 三里

息奔時唾血巨缺主之 息奔脇下氣上衝胸中有熱

期門主之

撮奔豚氣

水道

二十灸五壯瀉之

案奔豚搶心不得息并疝

玉泉

三十即中便穴

章門

五十壯

人法奔豚氣攻心脇痛滿淹淹欲絕急先用湯洗手足數數易之却取下穴

氣海

期門

關元

各五壯

疝氣衝心欲死

關門

在玉泉旁二十針入二十半灸二十七壯

臍豚腹腫章門主之

奔豚上下期門主之

少腹積

聚勞宮主之

奔豚卵上入痛引莖歸來主之

臍豚上

腹臍堅痛引陰中不得小便兩丸塞陰交主之

臍豚氣

腹臍痛舌強不能言莖腫先引腰後引小腹腰臍少腹堅

痛下引陰中不得小便兩丸塞石門主之

臍豚寒氣入

小腹時欲嘔傷中溺血小便數背臍痛引陰腹中窘急欲

湊後泄不止關元主之

臍豚上搶心甚則不得息忽忽

少氣尸厥心煩痛飢不能食善寒中腹脹引臍而痛小腹

[illegible]

[illegible]

右除椒漆外五物皆半生半炒為細末用煎生熟漆和
丸如彈子大又用茴香十二兩鋪陰地蔭乾候外乾并
茴香收器中至乾去茴香用治腎氣膀胱疝癰及疝墜
五隔血崩產後諸血漏下赤白並一丸分四服死胎一
丸皆綿灰酒下 若難產炒葵子四十九粒杵碎酒煎
下 諸疾不過三服祛氣十服膈氣癥癖五服血癥三
丸一婦有塊如杯每發痛不可忍諸藥莫愈投此丸盡
三服杯氣盡消終身不復作矣

雲沒藥散治一切血氣臍腹撮痛及產後惡露不行兒枕
痛

血竭

沒藥並細研

桂心

當歸

蒲黃

紅花

木香

玄胡索

乾漆炒

赤芍各等分

右爲極細末每服二錢熱酒調下食前若血塊衝心痛甚危者以大順散三錢酒調服立止

牡丹散治婦人久虛羸瘦血塊走疰心腹疼痛

牡丹皮

桂心

當歸

玄胡索各一兩

莪朮

牛膝

赤芍

各三兩

京三稜

一兩半

右爲粗末每服三錢水酒各半盞

羅木香礪砂丸治婦人痰癖積聚血塊刺痛脾胃虛寒宿食不消久不瘥者

丁香

礪砂

研

木香

官桂

附子

炮

乾漆

炒烟

細墨

大黃

炒

乳香

廣茂

青皮

京三稜

巴豆霜

減

沒藥

研

猪牙皂角

乾姜

炮各

右除礪砂乳香沒藥外同爲細末以好醋一升化開礪

寒劑

砂去杏臍入銀器中煖火熬次下巴荳霜大黃末熬成膏將前藥末與膏爲丸如麻子大每服三五十丸食後溫水送下加至大便利爲度

治血積狹熱之証於產後血塊求之

大桃仁煎治婦人血瘕血積經候不通

出千金方

桃仁

去皮尖炒黃

大黃

蛭虫

朴硝

右四味末之以醇醋二升半銀石器中煖火煎取一升五合下桃仁大黃蛭虫等不住手攪干下次下朴硝更不住手攪良久出之丸如桐子大前一日不用吃晚飯五更初用溫酒吞下五丸日午取下如黑荳汁雞肝蝦蟇末未下再作見鮮血卽上卽以調氣血藥補之

腸覃生於腸外月事時下石瘕生於胞中月事不以時下

二病皆似蠱脹

謹見廣門

針灸

臨診婦人疝癖積聚脈弦急者生虛弱小者死

甲婦人子藏中有惡血內逆消痛石關主之

胎前產後積

虛實

黃帝問曰婦人重身毒之何如岐伯曰有故無殞亦無

殞也帝曰愿聞其故何謂也岐伯曰大積大聚其可犯也

衰其大半而止過者死

凡血塊如盤有孕難服峻劑此方主之

香附醋炙

桃仁去皮尖

海粉醋炙

白朮兩

麴糊丸服

方消活血

南山婦人年三十八於九月廿三日月經行比前過後十

日得草藥以敗血海為下胎之謀有數滴血下因此腹痛

在小腹下有塊如碗大不可按湯熨則痛稍定大小便抽

痛小便澀大便畧下少赤積垢食不進口畧渴發熱此胃

氣為草藥所敗加以受傷之血妄行而不得洩所以為疔

砂仁分三

甘草分三

滑石半錢

川芎

黃芩

各三分

牛膝錢二

桃仁錢七

水酒煎服

保芍藥湯治產後諸積不可攻宜養陰去熱其病自安

芍藥

斤一

黃芩

茯苓

各六兩

右散每半兩水煎日三服溫

丹產後消血塊

滑石錢二

沒藥錢二

血竭錢二

右為細末醋糊丸如懸露不下以五靈脂為細末麪糊

九白朮湯陳皮湯送下

又消血塊

香附

童便

桃仁

去皮留尖

為末醋糊丸

息積

氣鬱刺帝曰病脇下滿氣逆二三歲不已是為何病岐伯曰病

名曰息積此不妨於食不可刺灸積為導引服藥藥不能

獨治也奇病論○王註云氣逆息難故名息積也用息奔法治之亦可

無磨積丸

胡椒百五粒 木香二錢半 全蝎十枚去毒

右為末粟米丸菴苳大每十五丸陳皮湯下

化氣湯治息積

砂仁 桂心 木香各二錢半 甘草炙

茴香炒 丁香皮 青皮炒 陳皮

乾姜 蓬朮炮各半兩 胡椒 沉香各一錢

右為末每服二錢姜蘇塩湯調下婦人醋湯服

導引陳無擇云導引法隨意行之皆可愚謂或按摩滿處或手

足相屈伸或八段錦或六字氣之類以氣通為効

面 面腫頰腮痛 面熱面寒 面青

面塵 面赤 面黃 面白 面黑 頰車病

面候

黃帝曰首面與身形也屬骨連筋同血合於氣耳天寒則裂地凌水其卒寒或手足懈墮然而其面不裂何也岐伯答曰十二經脈三百六十五絡其血氣皆上於面而走空竅其精陽氣上走於目而為睛其別氣走於耳而為聽其宗氣上出於鼻而為臭其濁氣出於胃走唇舌而為味其氣之津液皆上黃於面而皮又厚其肉堅故天熱甚寒不能勝之也邪氣臟腑病形篇

面腫頰腮痛

表熱

朱奶兩腮熱腫膈壅之病也

乾葛

桔梗一錢

升麻一錢

蘇葉一錢

甘草炙七

薄荷一錢

姜片一

水煎服

咽喉痛頰腫脈洪大而赤者羌活勝濕湯加黃芩桔梗甘草各半錢治之如耳鳴目黃頰頰腫頸肩臑肘臂外後廉痛面赤脈洪大者以羌活防風甘草葉本通其經血加黃連黃芩消其腫以人參黃芪益其元氣而瀉其火邪

丹兩腮腫細辛草烏等分爲末入蚌粉以猪脂調傳腫處口含白梅置腮邊良久腫退出涎患消矣消時腫必先向下

世治 治疔腮

竹葉

車前草

栢子仁

杵碎熱傳患處

腮腫用赤小荳末傳之立効

疔疔腮雞子青調赤小荳末及喉下諸般腫痛用蝸牛飛麪研勻貼腫處

風而腫曰風

平人氣

主卒中風頭面腫杵杏仁如膏傳之

針灸而頰腫痛有三法

其一取手陽明經云頰痛刺足陽明曲周動脈見血立已
不已按人迎于經立已又云厥胸滿面腫唇漂漂然暴言
難甚則不能言取足陽明又云厥頭痛面若腫起而煩心
取之足陽明太陰爲煩心也又云頰痛刺手陽明與頰之
盛脈出血是也

其二取手太陽經云手太陽之脈是動則頰腫不可以頰
所生病者目黃頰痛視盛虛熱寒陷下取之也

其三取手足太陽經云三焦手少陽之脈所生病者頰痛
又云膽足少陽之脈所生病者頰腫視盛虛熱寒陷下取
之也又云肝氣逆則頭痛耳聾頰痛取血者蓋取足少陽

之血也

東面赤頰熱惡風寒頰痛 搯竹 玉枕 灸三壯 巨窮 灸五壯

集頰腫生瘡名枯齧風 合谷 列缺 地倉 頰庫 不

取人中 承漿 玉液 金津 三里

面腫目瞤腫刺陷谷出血立止 頰腫唇癰頰痛主之

頰腫痛天窓主之 頰腫口急頰車痛不可以嚼頰車

主之

面寒面熱

面熱火氣因鬱熱 面寒因胃虛

面熱者足陽明病 病形篇

飲食不節則胃病胃病則氣短精神少而生大熱有時

而火上行獨燎其面針經云面熱者足陽明病

面熱○傷郎中之內五十一歲身體肥盛已酉春患頭目昏悶面赤熱多服清上藥不効請予治之診其脈洪大而有力內經云面熱者足陽明病脈經云陽明經氣盛有餘則身已前皆熱况其人素膏粱積熱於胃陽明經多血多氣木實則風熱上行諸陽皆會於頭目故面熱之病生矣先以調胃承氣湯七錢加黃連三錢犀角一錢疎下三兩行微其本熱次以升麻加黃連湯去經絡中風熱上行如此則標本之邪俱退矣

升麻加黃連湯

升麻

葛根各一錢

白芷七分

甘草炙五分

白芍五分

酒黃連四分

生犀末三分

川芎三分

荆芥穗三分

薄荷三分

右剉如麻莖大用水半盞先浸川芎荆芥薄荷外都作

面寒為
胃寒

一服水二盞煎至一盞入先浸三味同煎至七分去渣
食後溫服數服愈忌酒濕麪五辛之物

咳逆停息不得臥面熱如醉此為胃熱上衝薰其面茯苓

桂枝五味甘草湯加大黃以利之

前文方見
喘不得臥

羅面寒○其定維摩院尼長老六十一歲身體瘦弱已酉
十月間病頭面不耐寒氣弱不敢當風行諸治不效予診
之其脈皆弦細而微且其人年高素食茶葉而已陽明之
經本虛脈經云氣不足則身已前皆寒慄又加看誦損氣
由此胃氣虛經絡之氣亦虛不能上榮頭面故惡風寒先
以附子理中丸溫其中氣次以升麻湯加附子主之

升麻

葛根

白芷

黃芪

各七
分

甘草

炙五
分

黑附子

七分

人參

草薹薹

各五
分

益智仁

三分

右判如麻薤大都作一服水三盞連鬚白葱頭二莖同煎一盞去渣溫服食前數服良愈

升麻湯辨 或曰升麻加黃連湯治面熱升麻加附子湯治面寒有何依據答曰出自仲景雲岐子註傷寒論中辨葛根湯云尺寸脈俱長者陽明受病也當一二日發以其脈夾鼻絡於目故身熱目疼鼻乾不得臥此陽明經受病也始於鼻交頰中從頭至足行身之前爲表之裏陽明經標熱本實從標脈浮而長從本脈沉而實陽明爲病蒸蒸而熱不惡寒身熱爲標病陽明本實者胃中燥鼻乾目疼爲本病陽明爲肌肉之本禁不可發汗在本者不禁下發之則變黃症太陽主表榮衛是也榮衛之下肌肉屬陽明二陽併病葛根湯主之衛者桂枝榮者麻黃榮衛之中桂枝麻黃各半湯主之榮衛之下肌肉之分者葛根湯主之

又名解肌湯故陽明爲肌肉之本非專於發汗止汗之治
桂枝麻黃兩方互併爲一方加葛根者便作葛根湯故榮
衛肌肉之次也桂枝芍藥生薑甘草大棗止汗有麻黃桂
枝甘草發汗葛根味薄獨加一味者非發汗止汗也從葛
根以解肌故名葛根湯錢仲易制升麻湯治傷寒瘟疫風
熱壯熱頭痛肢體痛瘡診已發未發用葛根爲君升麻爲
佐甘草芍藥安其中氣朱奉議作活人書將升麻列作陽
明經解藥予診楊氏婦陽明經標本俱實先攻其裏後瀉
經絡中風熱故用升麻湯加黃連以寒治熱也尼長老陽
明經標本俱虛先實其裏次行經絡故用升麻湯加附子
以熱治寒也仲景乃羣方之祖信哉

面青 面塵

肝木

難肝外證面青善驚等症十六

運氣面塵有二

一曰燥金制肝經云陽明司天燥淫所勝民病嗌乾而塵又云陽明在泉燥淫所勝病嗌乾面塵又云金鬱之發嗌乾面塵宜治以濕劑是也

二曰火經云少陽之復厥氣上行面如浮塵目乃眴痰治以寒劑是也

針灸面塵皆取肝膽二經經云肝足厥陰之脈是動病甚則嗌乾面塵脫色又云膽足少陽之脈是動病甚則面微有塵皆視盛虛熱寒陷下取之也

面赤

心火
難心外證面赤口乾善笑十六

頰面赤為邪氣怫鬱在經宜表不宜下

仲景云下利脈沉而遲其人面赤身有微熱下利清穀者

以鬱冒汗出而解此面赤亦表而解也

運氣面赤皆屬寒經云太陽司天寒淫所勝民病面赤目

黃治以熱劑是也

針灸

針灸面赤皆取心主經云心主手厥陰之脈是動則病面赤目黃視盛虛熱寒陷下取之也

面黃治法見黃疸門

脾土

脾外證面黃善噫善思善味十六

診

陽明經終者口目動作善驚妄言色黃診要經絡篇

面白

肺金

肺外證面白善嚏悲愁不樂欲哭十六

虛寒

血脫者色白天然不澤其脈空虚金文見治虛實法

巴戟丸治肺病面白不悅則為脫氣脫血脫津脫液脫

精脫神方見脈緊者寒也或面白善噎或面色惡皆寒

也以羌活防風甘草芩本四味瀉足太陽少加附子以通其脉面色惡悲恐者更加桂附

太陽終者戴眼反折瘈瘲其色白絕汗出

少陽終者耳聾百節皆縱目眦絕系其色青白已上全文見診生死

法

面黑

若身黃面黑於黑者求之

腎

腎外證面黑善恐欠十六

陰出乘陽 一婦人年幾三十憂思不已飲食失節脾

胃有傷面色黧黑不澤環唇尤甚心懸如飢狀又不欲食氣短而促大抵心肺在上行榮衛而光澤於外宜顯而藏腎肝在下養筋骨而強於內當隱而不見脾胃在中主傳化精微以灌四旁冲和而不息其氣一傷則四臟失所憂思不已氣結而不行飲食失節氣耗而不足使陰氣上溢

於陽中故黑色見於面又經云脾氣通於口其華在唇今水反來侮土故黑色見於唇此陰陽相反病之逆也上古天真論云陽明脈衰於上面始焦故知陽明之氣不足非助陽明生發之劑無以復其色故以中和順氣湯主之

升麻錢一

葛根半錢

甘草四分

芍藥三分

白芷錢一

黃芪八分

防風錢一

人參七分

蒼朮三分

內經曰上氣不足推而揚之以升麻苦平葛根甘溫自地升天通行陽明之氣爲君人之氣以天地之風名之氣留而不行者以辛散之防風辛溫白芷甘辛溫以散滯氣爲臣蒼朮苦辛蠲除陽明經之寒白芍藥之溫酸安太陽經之怯弱十劑云補可去弱人參羊肉之屬人參黃芪甘草甘溫補益正氣爲臣至真要大論云辛甘發散爲陽生薑

辛熱大棗甘溫和榮衛開腠理致津液以復其陽氣故以爲使

右件咬咀都作一服水二盞姜三片棗二枚同煎至一盞去渣溫服早飯後午飯前取陽升之時使人之陽氣易達故也數服而愈

蘇樊樓有店家劉三一日滿面皆黑色有相者斷云不過月餘死既過月且安孫入店與客飲酒遂拜孫述說其病狀孫特與診之曰非病也乃爲臭氣所薰穢氣畜於面部不散故有此色問劉曰汝一月前聞甚一陣非常臭氣不能避耶劉曰一日登廁其廁臭氣不可聞隱忍良久下廁明日遂有此疾孫曰去至臭無過至香我家有南人將至舊香可用沉檀二香各一兩碎擘焚於爐中安帳內以薰綢被蓋定勿令香氣散可端坐香邊瞑目靜坐候香氣散

方可出帳明日引鑑照之劉依其言面色漸變旬日如故
腎臭腐屬水脾臭香屬土今夫腐臭者腐臭也故聞之則入野而面黑沉香者香臭也故薰之則脾土勝腎水而色還也

針灸面黑有二法

其一取胃經云胃足陽明之脈是動則病洒洒振寒顏黑
其二取腎經云足少陰之脈是動則病飢不欲食面如漆
柴視盛虛熱寒陷下取之也

診
少陰終者面黑齒長而垢腹脹閉全文見診生死下同

太陰終者腹脹閉不得息善噦嘔逆則面赤不逆則面黑
皮毛黑

頰車病

雜方
平江陳氏因驚懼後常用手指甲掐住兩頰遂兩頰破
損心中懊懣不安服數而實諸藥不愈用活幼口義牛黃

清心涼膈丸數服如失

無凡伸欠煩車蹉但開不能合以酒飲之令大醉睡中吹
皂角末搐其鼻嚏透即自正

狂癲

狂謂妄言妄走也癲謂僵仆不省也各自一症今以狂入
脾部癲入肝部然經有言狂癲疾者有言狂互引癲者又
言顛疾爲狂者此則又皆狂顛兼病今病有妄言妄走頃
時前後僵仆之類有僵仆後妄見鬼神半日方已之類是
以顛狂兼病者也

難顛狂之病何以別之然狂之始發少臥而不飢自高賢
也自辨智也自貴倨也妄笑好歌樂妄行不休是也顛疾
始發意不樂直視僵仆其脈三部陰陽俱盛是也重陽者
狂重陰者顛五十九難○王註云狂病之後不休臥人不
肯飲食自言賢智尊貴歌笑行不休今人

以為癲疾謬矣

素二陰二陽皆交至病在腎罵詈妄行顛疾為狂陰陽類論〇王

註云二陰腎水二陽胃土土刑水病在腎胃為狂

聖邪入於陽則為狂轉則為顛疾九針

下虛上實

素顛疾厥狂久逆之所生也通評虛實論太陽所謂狂顛疾

者陽盡在上而陰氣從下下虛上實故狂顛疾也脈解篇

針灸

針灸狂顛有一法

其一取胃經云足陽明之別名曰豐隆去踝八寸別走太

陰其病實則狂顛取之所別是也

其二取膀胱經云膀胱足太陽之脈所生病者狂顛視盛

虛熱寒陷下取之也

三取心經云心主之別名曰少衝去心口二寸別走太

陰其病實則狂顛取之所別是也

狂顛疾陽谷及築賓通谷主之 狂互引顛疾數發後

谿主之 狂顛陰谷主之

狂

實

欲獨閉戶牖而處陰不勝其陽則脈流蕩疾并乃狂全文

法虛實

法

血并於陽氣并於陰故為驚狂全文見刺虛法

上實者從商抑之

素帝曰有病怒狂者此病安生岐伯曰生於陽也帝曰陽

何以使人狂岐伯曰陽氣者因暴折而難決故善怒也病

名曰陽厥帝曰何以知之岐伯曰陽明者常動巨陽少陽

不動不動而動大疾此其候也帝曰治之奈何岐伯曰奪

其食即已夫食入於陰長氣於陽故奪其食即已使之服

以生鐵落為飲夫生鐵落者下氣疾也病能

無號礬丹治狂効方見雜

鎮心丹治驚悸自汗心煩短氣喜怒悲惡恐不自知忘魂

失魄狀若神靈所憑及男子遺泄女子帶下

辰砂

研

白礬

煨汁盡各等分

右爲末水丸如雞頭大每服一九煎人參湯下食後服
世浙江一婦人顛狂不止醫以瓜蒂半兩爲末每一錢重
井花水調滿一盞投之隨得大吐吐後熟睡勿令驚動自
此無恙

竹來麴膏治遠年近日風癩心病風狂中風涎沫潮閉牙
關不開及破傷風並皆治之

皂角

一兩肥大無虫
腫者去皮弦子

右將皂角切碎用漿水一大碗春秋浸三四日冬七日
夏一二日採開取淨浸透皂角汁入銀器或砂鍋內以
文武火焚用新柳條槐枝攪熬似膏藥取出攤於火焙
上陰乾收頓如遇病人取手掌一大片用溫漿化在盞

內用竹管兒盛藥水將病人扶坐定頭微擡起將藥水
入左右鼻孔內良久扶起涎出爲驗欲要涎止將溫鹽
湯令病人服一二口便止忌雞魚生硬濕麪等物

子和一男子落馬發狂起則目瞪狂言不識親疎葉衣而
走罵言涌出氣力加倍三五人不能執縛燒符作醮問鬼
跳巫殊不知顧服丹砂牛黃犀珠腦麝資財散去室中滿
然不遠二百里而求戴人一往戴人以車軸埋之地中約
高二丈許上安中等車輪其輞上鑿一穴如作盆之狀縛
病人在其上使之伏臥以軟衲襯之又令一人於下坐機
一枚以棒攪之轉千百遭病人吐出青黃涎沫一二斗許
繞車輪數匝病人曰我不能堪可解我下從其言而解之
索凉水與之冰水飲數升狂乃罷矣

素帝曰陽明病甚則棄衣而走登高而歌或至不食數日

踰垣上屋所上之處皆非其素所能也病反能者何也岐
伯曰四肢者諸陽之本也陽盛則四肢實實則能登高也
帝曰其棄衣而走者何也岐伯曰熱甚於身故棄衣欲走
也帝曰其妄言罵詈不避親疎而歌者何也岐伯曰陽盛
則使人妄言罵詈不避親疎而不欲食不欲食故妄走也

陽明脈解篇曰陽明所謂病至則欲乘高而歌棄衣而走者陰陽復爭外并於陽故使之棄衣而走也

陽明實
運脈伏
宜下之

潮許氏病陽厥狂怒罵詈親疎或哭或歌六脈舉按無力
身表如水石發卽叫呼聲高潔古云奪食則已因不與之
食予用大承氣湯下之得臟腑渣穢數升狂稍寧數日復
發復下如此五七次行大便數斗疾瘥身溫脈生良愈此
易老奪食之法也

保當歸承氣湯

當歸

大黃各一兩

甘草半兩

芒硝七錢

右判如麻苳大每二兩水一大碗姜五片棗十枚煎
一半去查熱溫服若陽狂奔走罵詈不知親疎此陽有
餘陰不足大黃芒硝去胃中實熱當歸補血益陰甘草
緩中加姜枣者胃屬土此引入胃中也經所謂微者逆
之甚者從之此之謂也以大利爲度微緩以瓜蒂散入
防風末藜蘆末吐之其病立安後用調心散洗心散涼
膈散解毒湯等調之

子和一任人陰不勝其陽則脈流薄疾陽并乃狂難經曰
陽極則狂陰極則顛陽爲腑陰爲臟非陽熱而陰寒也熱
并於陽則狂狂則生寒并於陰則顛顛則死內經曰足陽
明實則狂故登高而歌棄衣而走無所不爲是熱之極也
以調胃承氣大作湯下數十行三五日復上涌一二升三
五日又復下之凡五六十日下百餘行吐亦七八度如吐

之
醫者發

時暖室置火以助其汗數汗方平

一叟年六十值徭役煩擾而暴發狂口鼻覺如虫行兩手爬搔數年不已戴人診其兩手脈皆洪大如絙斷之曰肝主謀膽主決徭役迫遽財不能支則肝屢謀而膽屢不能決屈無所伸怒無所洩心火礚礚乘陽明金然胃本屬土而肝屬木膽屬相火火隨木氣而入胃故暴發狂乃命置煨室中涌而汁出如此三次內經曰木鬱則達之火鬱則發之正謂此也又以調胃承氣湯半斤用水五升煎半沸分作三服大下二十行血水與瘀血相雜而下數升來日乃康以通聖散調其後

王叔和

潘相國寺僧充忽患頭疾經半年逾服名醫藥皆不効僧俗兄潘氏家富召孫療之孫曰今夜睡著明後日便愈也潘曰且告投藥報恩不忘孫曰有醢物但與師吃待渴却

來道至夜僧果渴孫至遂求溫酒一角調藥一服與之有頃再索酒與之半角其僧遂睡兩晝夜乃覺人事如故潘謝孫問其治法曰衆人能安神矣而不能使神昏得睡此乃靈苑方中硃砂酸枣仁乳香散也人不能用耳

辰砂散治風痰諸癇狂言妄走精神恍惚思慮迷亂乍歌乍哭飲食失常疾發仆地吐沫戴日魂魄不守醫藥無驗

辰砂

一兩須光明有穢點者

酸枣仁

半兩微炒

乳香

半兩光瑩者

右量所患人飲酒幾何先令恣飲沉醉但勿令吐至靜室中以前藥都作一服溫酒調下作一盞調之令頓飲如飲酒素少人但以隨量取醉服藥訖便安置床枕令臥病淺者半日至一日病深者三兩日令家人潛伺之鼻息勻調但勿喚覺亦不可驚觸使覺待其自醒卽神魂定矣萬一驚悟不可復治正肅吳公少時心病服此

一劑五日方寤遂瘥

一醉膏治心恙無灰酒二碗香油四兩和勻用楊柳枝二十條逐條攪一二百下候香油與酒相入成膏煎至八分灌之熟睡則醒或吐下即安矣

狂之爲病少臥少臥則衛獨行陽不行陰故陽盛陰虛令昏其神得睡則衛得入於陰而陰得衛填不虛陽無衛助不盛故陰陽均平而愈矣

本草志膏

人參

酸棗仁各一辰砂五錢

乳香分

右爲細末煉蜜和丸如彈子大每服一九薄荷湯送下予族弟綠兵火失心制此方與之服二十粒愈親舊多傳去服之皆驗

海狂邪顛瀾不欲眠臥自賢自智妄行不休此方能安五

腦下心氣用白雄雞一隻煮熟五味調和作羹粥食之
經云悲哀動中則傷魂傷則狂妄不精不精則不正此
悲哀傷魂而狂當用溫藥補魂之陽仲景方以地黃湯本
事驚氣丸之類卽是也 經云喜樂無極則傷魄魄傷則
狂狂者意不存人此喜樂傷魄而狂當用涼藥補魄之陰
辰砂礬金白礬之類是也

治失心

礬金

七兩須四兩
蟬蛻者足具

明礬

右爲細末薄糊爲丸如桐子大每服五六十丸湯水任
下昔有婦人顛狂可畏數年不愈後遇至人授此方初
服覺心胸中有物脫去神氣灑然再服頓甦至人云此
病用憂驚得之痰涎包絡心竅此藥能去鬱痰

風

仲防已地黃湯治病如狂狀妄行獨語不休無寒熱其脈

浮

防已錢

桂枝

防風各三

甘草二

右四味以酒一盃漬一宿絞取汁生地黄二斤咬咀蒸之如斗米飯久以銅器盛其汁更絞地黄汁和分再服

本治驚癇積氣癇風邪發則牙關緊急涎潮昏塞醒則精神若痴驚氣丸

附子

木香

白姜蚕

白花蛇

橘紅

天麻

麻黃各半

乾葛二

紫蘇葉一兩

朱砂一錢留少許為衣

天南星洗切

浸一夕半兩

右為末加腦麝少許同研極勻煉蜜杵丸如龍眼大每服一九金銀薄荷湯化下溫酒亦得此予家秘方也戊申年軍中一人犯法被衣將受刑而得釋精神頓失如

痴予與一九服訖而寐及覺病已失矣提轄張載揚其妻因避寇失心已數年予授此方不終劑而愈又黃彥奇妻狂厥者踰十年諸醫不驗予授此方去附子加鐵粉亦不終劑而愈鐵粉非但化痰鎮心至如摧抑肝邪特異若多恚怒肝邪大盛鐵粉能制伏之素問云陽厥狂怒治以鐵落飲金制木之意也此亦前人未嘗論及無治中風或歌或哭或笑語無所不及小續命湯用麻黃三兩人參桂枝白朮各二兩無防風附子生薑有當歸一兩

風熱世治顛狂發作披頭大叫不避水火苦參爲末蜜丸梧子大每服十九薄荷湯化下妙

血熱保牛黃膏治熱入血室發狂不認人

牛黃二錢

硃砂

鬱金

牡丹皮各三錢

甘草

腦子錢各一

右爲末煉蜜丸如棗子大新汲水化下

寒

肝移寒於心狂膈中

全文見診病傳寒

運氣

運氣狂皆屬火經云諸燥狂越皆屬於火又云火太過曰

赫曦赫曦之紀其病笑謔狂妄又云歲火太過上臨少陰少陽病謔妄狂越治以諸寒是也

雜方

子和項開合之妻病飢不欲食常好呌呼怒罵欲殺左右惡言不輟眾醫皆處藥幾半載尚爾其夫命戴人視之戴人曰此難以藥治乃使二娼各塗丹粉作伶人狀其婦人大笑次日又作角觥又大笑其旁常以兩箇能食之婦誇其食美病婦亦索其食而爲一嗜之不數日怒減食增不藥而瘥後得一子夫醫貴有才無才何足應交無窮

針灸

靈狂始生先自悲也喜忘苦怒善恐者得之憂飢治之取

手太陰陽明血變而止及取足太陰陽明 狂始發少臥

不飢自高賢也自辨智也自尊貴也善罵詈日夜不休治

之取手陽明太陽少陰舌下視之盛者皆取之不盛釋之

也 狂言驚善笑好歌樂妄行不休者得之大恐治之取

手陽明太陽太陰 狂目妄見耳妄聞善呼者少氣之所

生也治之取手太陽太陰陽明足太陰頭兩頰 狂者多

食善見鬼神善笑而不發於外者得之有所大喜治之取

足太陰太陽陽明後取手太陰太陽陽明 狂而新發未

應如此者先取曲泉左右動脈及盛者見血有頃已不已

以法取之灸骨節二十壯顛狂 大熱偏身狂而妄見妄

聞妄言視足陽明及大絡取之虛者補之血而實者瀉之

因其僵臥若其頭前以兩手四指挾按頸動脈久持之卷

而切之下至缺盆中而復止如前熱去乃止此所謂推而

散之者也

制節真邪篇○頸動脈胃足陽明之脈是動病甚則欲上高而歌棄衣而走故狂

皆取陽明也

灸法

狐魅神邪顛狂諸病并小兒驚癇兩手

大姆指用軟繩急縛之灸三壯艾炷着四處半在甲半在

肉上四處盡燒一處不着其疾不愈神効難量此法累

明堂

灸狂發怒欲殺人見鬼

身柱灸在二椎

後谿

通玄

呆痴

神門

一穴沿皮向前三分先補後瀉灸之

後谿補生

又法

太鍾

失志呆痴

神門

中衝

鬼服

鳩尾

百會

心悶不已

支溝

狂易魚際及合谷

腕骨支正少海崑崙主之

狂言笑

見鬼取之陽谿及手足陽明太陽

狂歌妄言怒恐惡人

與火罵詈三里主之 狂妄走善欠巨虛上廉主之 狂
易見鬼神與火解谿主之 狂言太淵主之 心懸如飢
之狀善悲而驚狂面赤目黃間使主之 狂疾液門主之
又俠谿丘墟光明主之 狂互引頭痛耳鳴目痺中渚主
之 身熱狂走談言見鬼瘕瘕身柱主之 狂妄言怒恐
惡火甚罵詈巨闕主之

欲獨閉戶牖而處

陽明所謂欲獨閉戶牖而處者陰陽相薄也陽盡而陰
盛故欲獨閉戶牖而居 帝曰陽明惡人者何也岐伯曰
陽明厥則喘而惋惋則惡人

陽明脈解篇

針灸獨閉戶牖而處有二法

其一取胃經云胃足陽明之脈是動則病惡人與火獨閉
戶牖而處視盛虛熱寒陷下取之也

其二取少陰經云少陰之虛獨閉戶牖而處

注云取太陰太溪二穴

口熱病汗不出訖衄眩時仆而浮腫足脛寒不得臥振寒

惡人與木音喉痺齒惡風臭不利多臥善驚厲兌主之

四厥手足悶者使人久持之厥熱脛痛腹脹皮痛善伸

數欠惡人與木音振寒噤中引外腎痛熱病汗不出下齒

痛惡寒日急喘滿寒慄噤齒口禁憊惰不嗜食內庭主之

口病若閉目不欲見人者脈當得肝脈弦急而長而反得

肺脈短而濇者死也

口苦 口瘡入疥 口糜 口臭喉醒

口甘入中消門 唇 唇疲入口唇門

口候

口者脾之所主胃大腸脈之所挾經云中央黃色入通於

脾開竅於口藏精於脾又云脾主口在藏為脾在竅為口

又云脾氣通於口脾和則口能知五味矣此脾之所主

口也

又經云胃足陽明之脈挾口下交承漿又云大腸手陽明之脈挾口交人中此胃大腸之脈所挾於口也

口苦

肝氣熱則膽泄口苦

金文見痰

肝氣

內經曰有病口苦名曰膽痺乃肝主謀慮膽主決斷盛汁七合是清淨之府取決於膽膽或不決為之悲怒則氣上逆膽汁上溢故口苦或熱甚而使然也以龍膽瀉肝湯主之

柴胡錢

黃芩分七

生甘草

人參

天門冬去心

黃連

草龍膽

山梔

麥門冬

知母各五分

五味子杜

右件咬咀都作一服水二盞煎至一盞去渣溫服食遠

忌辛熱物大效

真氣上逆故口苦舌乾全文見

針灸

帝曰有病口苦者病名爲何何以得之岐伯曰病名曰

膽痺夫肝者中之將也取決於膽咽爲之使此人者數謀

慮不決故膽虛氣上溢而口爲之苦治之以胆募俞病

膽募穴在腹部期門下五分膽俞穴在背部第十一椎下兩旁相去各二寸半

針灸口苦獨取於膽此篇經文是其一法也又經云膽病

者善太息口苦嘔汁當取陽陵泉又云膽足少陽之脈是

動則病口苦善太息視盛虛熱寒陷下取之也

口糜

熱膀胱移熱於小腸腸腸不便上爲口糜全文見診

移熱湯治口糜內經云膀胱移熱於小腸腸腸不便上

爲口糜好飲酒人多有此疾易老用五苓散導赤散相合

服之神效

丹治滿口白爛，搗一兩厚黃柏一兩六錢為末，用米醋煎數沸後，調上藥涎出吐之，再用湯嗽口，即愈。重者二次。

羅胡黃連散治口糜

胡黃連

分五

藿香

錢一

細辛

錢三

黃連

錢三

右為末，每用半錢，乾摻口內，漱吐之。

必效散治口糜 白礬

大黃

分等

右為細末，臨臥乾貼，涎盡溫水漱之。

運氣運氣口糜皆屬熱經云：少陰之復火氣內發，上為口糜，治

以苦寒是也。

口臭喉腥

熱加減甘露飲治男子婦人小兒胃客熱口臭牙宣赤眼

口瘡一切瘡疹已散未散皆可服之。

丹溪云甘露飲心脾胃藥也

熟地

生地

天門冬去心

黃芩

枇杷葉去毛

山茵陳

枳殼

金釵石斛

甘草各一兩

犀角錢三

右爲末每服二錢水一盞煎至七分去查食後臨臥溫服小兒一服分作二服更斟酌與之

此方得自一品之家其間用犀角一味甚有道理百發百中予族中有一僕牙宣口臭牙齒漸頽落予與二服頓愈服之無不愈者本事方前集所未載此方緣得之不易故不敢輕泄服之自有奇效

治口臭香薷一把以水一斗煮取三升稍稍含之丹溪云惟

香薷湯能治口臭

肺熱喉腥治驗 梁濟民膏梁而飲因勞心過度肺氣

有傷以致氣出腥臭涕唾稠粘咽嗑不利口苦乾燥以加

減瀉白散主之

桑白皮錢三

地骨皮

半錢

甘草

半錢

知母

半錢

黃芩

分五

五味子

二十粒

麥門冬

分五

桔梗

錢二

難經云心主五臭入肺爲腥臭此其一也因洪欬大熱之氣所傷從心火刑於肺金以桑白皮地骨皮苦微寒降肺中伏火而補氣爲君以黃芩知母苦寒治氣腥臭清利肺氣爲臣肺欲收急食酸以收之以五味子酸溫以收肺氣麥門冬苦寒治涕唾稠粘口苦乾燥爲君桔梗辛溫體輕浮治痰逆利咽膈爲使也

右以咀搗作一服水二盞煎至一盞去渣溫服食後一日二服忌酒濕麪及辛熱之物

聖治口臭仍醫齒腫痛細辛煮取濃汁熱飲令吐涎

家和尙家一男子年二十餘歲病口中氣出臭如登廁雖

親戚莫肯與對語戴人曰肺金本主腥金為火所乘火主臭應便如是也久則成腐腐者腎也此亢極則反兼水化也病在上宜涌之以茶調散涌而去其七分夜以舟車丸瀉川散下五七行比旦而臭斷

對人
甲口中腫臭勞宮主之

唇
唇皮入
口旁門

六腑之華在唇經云脾胃大腸小腸三焦膀胱者倉廩之本榮之居也其華在唇四白是也胃脈肝脈督脈皆環

唇候

唇經云胃足陽明之脈挾口環唇又云肝足厥陰之脈環唇內經云督脈上頤環唇是也衝脈任脈皆絡唇經云衝脈任脈別而絡唇口是也

唇反者死經云唇舌肌者肉之本也唇反者肉先死是也

四肢

加化

陽主四肢經云四肢者諸陽之本也又云陽虛則肢

是也陽實則肢腫經云結陽腫四肢是也陽虛則肢

經云冬氣病在四肢是也脾主四肢經云四肢皆稟氣

於胃而不得至經必因於脾乃得稟者是也脾實則四

肢不舉經云脾脈太過為病在外則令人四肢不舉者是

也脾虛則四肢不用經云脾藏肉形不足則四肢不用

又云四肢懈惰此脾精之不行是也始見風五臟有邪

留在支節經云肺心有邪其氣留于兩肘肝有邪其氣留

于兩腋脾有邪其氣留于兩髀腎有邪其氣留于兩膝是

也痛痺是

運氣

運氣四肢不舉皆屬濕經云土太過曰敦阜敦阜之紀其

病腹滿四肢不舉是也

針灸

風逆四肢腫復溜主之

肉

肉候 脾主肉經云脾主肉在體爲肉在藏爲脾又云邪在脾胃則病肌肉痛是也 脾病在谿經云北方黑色入通於腎故病在谿谿者肉之小會也

針灸

經云曰願聞谿谷之會也岐伯曰肉之大會爲谷肉之小會爲谿肉分之間谿谷之會以行榮衛以會大氣邪溢氣壅脈熱肉敗榮衛不行必將爲膿肉消骨髓外破大膿留於節湊必將爲敗積寒留舍榮衛不居卷肉縮筋肘肘不得伸內爲骨痺外爲不仁命曰不足大寒留於谿谷也谿谷三百六十五穴會亦應一歲其小痺淫溢循脈往來微針所及與法相同

禁忌

形樂志樂病生於肉治之以針石

全文見治法

濕傷肉甘傷肉經云濕傷肉風勝濕甘傷肉酸勝甘又云

甘走肉肉病無多食甘又云多食酸則肉胝脇而唇揭也坐樂傷肉經云久坐傷肉又云形樂志樂病生於肉治之以針石是也

身重 怠墮嗜臥

風濕

道身重者濕也補中益氣湯去桂加五苓散主之

黎起臥不能謂之濕身重是也小柴胡湯黃芪芍藥湯

仲風濕脈浮身重汗出惡風者防已黃芪湯主之方見諸書寒身重

黎夏月中風濕身重如山不能轉側宜除風勝濕去熱之

藥治之

腎者

仲腎着之病其人身體重腰中冷如坐水中形如水狀反

不渴小便自利飲食如故病屬下焦身勞汗出表裏冷濕久久得之腰以下冷痛腹重如帶五千錢甘姜苓朮湯主之

甘草

白朮各二兩

乾姜

茯苓各四兩

右四味以水五升煮取三升分溫二服腰中自溫

五

肝虛腎虛脾虛皆令人體重煩冤

示從容論○體重屬肝腎虛脾虛則脾寒

肝虛而體重腎虛則脾寒

五參朮湯治脾胃虛弱元氣不能榮於心肺四肢沉重食

後昏悶

黃芪二錢

人參半錢

升麻三分

甘草炙四分

柴胡

酒黃柏各三分

陳皮五分

青皮五分

神麴七分

蒼朮錢一

當歸二分

右㕮咀作一服水二盞煎至一盞半去渣帶熱服食前

運氣身重有五

一曰濕乃濕制腎虛而重經云太陰所至為身重又云太

陰之復體重身滿又云歲上太過濕氣流行民病體重煩

寃又云土鬱之發民病身重是也

二曰濕熱經云少陽司天之政四之氣炎暑間化其病滿身重是也

三曰寒濕經云太陰司天之政三之氣感於寒濕民病身重是也

四曰風乃木制脾虛而重經云歲木太過風氣流行民病體重煩寃又云歲土不及風乃大行民病體重煩寃又云厥陰在泉風淫所勝病身體皆重是也

五曰金乃燥制肝虛而重經云歲金太過燥氣流行民病體重煩寃是也

針灸

針灸身重有二法

其一取脾經云脾病者身重肉痿取其經太陰陽明少陰血者又云脾足太陰之脈是動則病腹脹身體皆重視盛

虛熱寒陷下取之也

其二取腎經云腎病者身重寢汗出憎風取其經少陰太陽血者是也

怠墮嗜臥

四云脈緩怠墮嗜臥四肢不收或大便泄瀉此濕勝從平胃散又云怠墮嗜臥有濕胃虛不能食或沉困或瀉泄加蒼朮自汗加白朮

虛

本補虛損治勞倦一切虛極欲垂死者肥人陰虛宜服瘦人不宜服

甘草三兩

蒼朮

一斤米泔浸一宿切用非白一斤細切同藥過一宿

川椒四兩

草烏

半斤水浸一宿切用鹽四兩藥一宿次日炒乾

右共為末用好酒糟六斤同搗三五千杵令勻為丸如桐子大每服三十九空心溫酒鹽湯任下婦人淡醋湯

下

頭食入則困倦精神昏冒而欲睡者脾虛弱也

人參補氣湯治四肢懶倦

黃芪半錢

人參分七

甘草分三

生地分五

防風分七

白芍分五

五味分二十

升麻分七

肉桂分二

熟地分六

生甘草分一

黃柏分七

知母分七

右爲粗末作一服水二盞煎至一盞濾去渣空心熱服

下

蠱毒

無江南閩中山間人以蛇虺蜈蚣蟻蚰蝦蟆等百虫同器

畜之使其自相食啖勝者爲靈以祀之取其毒雜以菜菓飲食之類以害人妄意要福以圖富貴人或以之壯狀萬端或年歲間人多死又有人家香火奉祀如家先者亦謂

之蠱能病人世謂之蠱症以姓類屬五音謂之五蠱此皆
邊鄙邪僻之地多有此事中都則蔑聞也

診

夫中蠱毒者令人心腹絞痛如有物吐出皆如爛肉若不
卽治食人五臟卽死驗令病人唾水沉者卽是

蠱有人行蠱毒以病人若欲知其姓名者以敗鼓皮燒作
末飲服方寸七須臾自呼蠱家姓名可語之令呼喚將去
則愈治之亦有方

世驗蠱之法含一大莖其莖脹皮脫者蠱也莖不脹皮不
脫者非也以鵠皮至病人臥所下勿令知覺病甚者走
居則非也治療之法必須審而後行試而後可今人偶有
積聚脹滿之病類乎蠱者便以爲蠱尤爲非也凡蠱毒之
中有緩有急急者十數日便死緩者待以歲月氣力羸敗
食盡五臟而後死死則其毒流注於傍傍人亦成蠱注矣

凡中毒嚼生薑不腥嚼白礬味甘者皆中毒無忌

服人爲百藥所中傷脈浮濇而疾者生微細者死洪大而

遲者生千金遲作速

吐利法

辰砂丸治蠱毒從酒食中着者端午日合

辰砂研

雄黃另研水飛

赤脚蜈蚣

續隨子各兩

麝香錢一

石爲末糯米飲爲丸如雞頭大若覺中毒卽以酒下一

丸蛇蝎所螫醋磨傳効

主蠱毒神效以胡荽根絞汁半升酒和服之立下

治蠱毒土瓜根大如拇指長三寸切以酒半升浸一宿

服當吐下

蛇蠱食飲中得之咽中如有物噤不下吐不出悶悶心

熱服馬兜苓卽吐出又服麝香一錢七卽吐蠱毒

聖五種蠱毒馬兜苓根三兩爲末分爲三貼水一盞煎五分去查服當吐虫出未快再服

主蠱毒用大戟桃白皮以火烘乾斑猫去翅足炒三物等分搗篩爲散以冷水服半方寸匕其毒即出不出更一服蠱並出此李饒州法大奇效若以酒中得則以酒服以食中得則以飲服之

右吐利蠱毒法

凡諸蠱多是假毒藥以投之知時宜養大荳甘草薺菝汁飲之通除諸毒藥

山荳根不拘多少如中藥蠱毒密遣人和水研以快聲服少許不止再服一方用酒調下二錢

食中有蠱毒令人腹內堅痛兩目青黃淋露骨立病變無常用鐵精細研搗雞肝和爲丸桐子大食前或後酒下

五九

疊下血見血

雜方錄

無解毒丸治設食毒中并百物毒救人於必死

板藍根

四兩洗

貫衆

一兩剉青黛
去毛

甘草

一兩

右爲末蜜丸桐子大以青黛另爲衣如稍精神恍惚即
是誤中諸毒急取十五丸爛嚼用新水送下即解

青黛雄黃丸凡始覺中毒及蛇虫咬癰疽纔作即服此毒
氣不聚

青黛

雄黃等分

右爲細末新汲水調下二錢

鑒解毒丸善治男子婦人及小兒一切積熱不解停留作
毒上焦壅熱咽喉不利口乾多渴伏暑困悶霍亂不寧或

山嵐瘴氣及食毒酒毒吐逆不定遊風丹毒迷惑昏困不
省人事唐煩發燥赤目口瘡善解四時傷寒之疾發散瘟
疫毒邪之氣及四方人不服水土一切諸毒並皆解之常
服此藥補真益氣化毒除風神效不可細述

滑石

黃芩

貫仲

茯苓

山梔

乾姜

草龍膽

大薺

青黛

甘草

薄荷

寒水石略一

益智仁

砂仁

大黃

山荳根

生地

桔梗

百藥煎

紫河車即蛋

菴荳粉

馬勃

板藍根

黃藥略半

右爲細末煉蜜爲丸如彈子大每服一九新汲水化下
細嚼或噙化亦得小兒半丸如婦人血暈不省生姜薄
荷水磨下一丸

解諸毒用玉簪花根搗水服

治中諸藥毒

生甘草

黑荳

淡竹葉

各等分

右咬咀用水一碗濃煎連服

礬灰散治中諸物毒

明礬

建茶

各等分

右為末每服三錢新汲水調下得吐即效

四

解砒毒鼠莽毒用旋刺下羊血及雞鴨血熱服鼠莽草未詳

藍飲子解砒毒及巴荳毒用藍根沙糖二味相和搗水服

之更入薄荷汁尤妙

解砒毒

白礬荳

青黛

甘草

巴荳

半粒用半邊去壳不去白

右同為末沙糖一大塊水化開調一大盞飲之砒毒隨

利去却服五苓散之類

解砒毒用早禾桿燒灰新汲水淋汁濾過冷服一碗毒從利下即安又方用井花水調荳粉或菰荳糯米汁皆可解砒毒

漢椒

九粒

黑荳

十四粒

甘草節

二十

烏梅

二箇

右咬咀用水一盞煎至七分溫服

明眼毒

解鼠莽草毒用枯過明礬同上等好末茶少許新汲水調服人有用之累效 解鼠莽草毒用大黑江荳煮汁服之如欲試其驗先刈鼠莽苗葉以荳汁澆其根從此敗爛不復生矣

治食

治自死六畜肉中毒方用黃柏搗屑服方寸匕

治諸肉漏腫中毒

諸肉客毒蓋之照宿者是也

燒犬屎

酒服方寸匕或服人乳汁或飲韭汁二三升亦良

治黍

禾中藏肝脯食之中毒方大荳濃汁飲數升卽解亦治猘

肉漏脯等毒 治食生肉中毒方掘地深三尺取其下土

三升以水五升煮數沸澄清汁飲一升卽愈 治六畜馬

獸肉中毒方水浸荳豉絞取汁服數升卽愈

治馬肝毒中人未死方雄鼠屎二七粒末之水和服日再

服尿尖又人垢取方寸服之佳 治馬肉中毒欲死方

香豉二兩杏仁三兩相和蒸一食頃熟杵服日再服又方

煮蘆根汁飲之良 治噉蛇牛肉食之欲死方鱗蛇牛

後咽者是也飲乳汁一升立愈 以泔洗頭飲一升愈 牛

膝細切以水一斗煮取一升煖飲之大汗出卽愈 治食

牛肉中毒甘草煮汁飲之卽解 治食犬肉不消心下堅

或腹脹口乾大渴心急發熱妄語如狂或洞泄方杏仁一

升炒皮熟研以沸湯三升和取汁分三服利下肉片出大

獸 鳥獸有中毒箭死者其肉毒用大豈煮汁及藍汁服之即解

世 蜈蚣咬用生雞血令病人吃須更以清油灌口中其蜈蚣滾在血中吐出繼以雄黃細研水調服愈

世 鯨食在心胃間不化吐不出速下除之久成癥病方

陳皮兩一

大黃兩二

朴硝兩二

右三味以水一大升煮取半升頓服消

食鱸多不消結為癥病治用馬鞭草搗汁飲之 或以姜葉汁飲一升亦消 又可服吐藥吐之 食魚後食毒物煩亂用陳皮濃煎汁服之即解 食鯨鯢魚中毒用藍根煮汁服之即解

世 治食河豚魚中毒一時困殆倉卒無藥以清油多灌之使毒物盡吐出為愈

仲食蟹中毒治用紫蘇煮汁飲三升紫蘇子搗飲之亦重
冬瓜汁飲二升吃冬瓜亦可 食菓中毒用猪骨燒過
末之服方寸匕亦治馬肝漏脯等毒

世解一切菌毒掘新地窟以冷水於內攪之令澄少頃取
飲之見本草陶隱居註謂之地漿 荷葉殺蕈毒

仲食諸菌中毒悶亂欲死治方 人糞汁飲一升 上漿

飲二升 大豈濃煮汁飲之 服諸吐利藥並解 取糞

汁法截淡竹去青皮浸滲其中取筒中汁是也 食楓樹

菌而笑不止亦治以前方

世蕈毒吐瀉不止者用細茶芽研細以新汲井花水服神

效 治蕈毒欲死方用石首魚頭或鰲頭亦妙白水煮汁

灌之卽愈 治中蕈毒用篋竹不入泥者數節煎湯飲之

立效

仲誤食芋煩毒欲死亦治以前方其芋根山東人名魁芋人種芋三年不收亦成野芋並殺人 蜀椒閉口者有毒誤食之戟人咽喉氣欲絕或吐下白沫身體痺冷急治之用肉桂煎汁飲之 或食蒜或食地漿 或濃煮豉荳汁飲之並解

仲食躁或躁方用豉煮濃汁飲之 鈎吻與芹菜相似誤食殺人解之用薺芩八兩水六升煮取二升分溫二服鈎吻生池傍無他異其莖有毛以此別之 菜中有水蓂若葉員而光有毒誤食之令人狂亂狀如中風或吐血治之用甘草煮汁服之解 春秋二時龍帶精入芹菜中人偶食之爲病發時手青腹滿痛不可忍名蛟龍病治之用錫糖二三升日兩度服之吐出如蜥蜴三五枚瘥 食苦瓠中毒治之用黍稷煮汁服之解 飲食中毒煩滿治之用

苦參三兩苦酒一升半煮半沸三上三下服之吐食出即
瘥或以水煮亦得 犀角湯亦解 貪食食多不消心腹
堅滿痛治之用鹽一升水三升煮令鹽消分三服當吐出
食便瘥

奇病

雜方

項上生瘡如櫻桃大有五色瘡破則項皮斷但逐日飲牛
乳白消 寒熱不止經日後四肢堅如石以物擊之一似
鐘聲聲日漸瘦惡用茱萸木香等分煎湯飲即愈 大腸
頭出寸餘痛甚直候乾自退落又出名爲截腸病若腸盡
乃不治但初截寸餘可治用脂麻油器盛之以爵坐之飲
大麻子汁數升愈 口鼻中腥臭水流以碗盛之有鐵色
蝦魚如粳米大走躍不住以手捉之即化爲水此肉壞矣
任意飲食雜肉愈 服上麻痺不仁多煮葱白吃之自愈

婦人小便中出大糞名交腸服五苓散效如未盡愈可
用舊幘頭燒灰酒服之 兩足心凸如腫上面生黑色豈
痞硬如釘子釘了履地不得脛骨破碎眼髓流出身發寒
顫唯思飲酒此是肝腎氣冷熱相吞用炮川烏頭末傳之
煎韭子湯服效 凡腰膝經久忽瀉數升晝夜不止服藥
不驗乃爲氣脫用益智子煎濃湯服立愈 四肢節脫但
有皮連不能舉動名曰筋解用酒浸黃蘗三兩經一宿取
出焙乾爲末每服二錢酒調下服盡安 玉莖硬不痿精
流無歇時時如針刺捏之則脆乃爲腎滿溺疾用韭子破
故紙各一兩爲末每服三錢水一盞煎至六分日三次飲
之愈則住服 咽喉間生肉層層相疊漸漸腫起不痛多
日乃有竅子臭氣自出遂退飲食用臭橘葉煎湯連服愈
腹中如鉄石臍中水出旋變作虫行之狀繞身匝痒

痛難忍撥掃不盡用濃煎蒼朮湯浴之以蒼朮末入麝香
少許水調服痊 眼前常見諸般禽虫飛走以手捉之則
無乃肝膽經爲疾用酸棗仁羌活玄明粉青箱子花各一
兩爲末每服二錢水一大盞煎至七分和滓飲一日三服
大腸虫出不斷斷之復生行坐不得用鶴虱末水調五
錢服之自愈 眼睛垂出至鼻如黑角色痛不可忍或時
時大便秘血出名曰肝脹用羌活煎汁服數盞自愈 腹中
有物作聲隨人語言用板藍汁一盞分五服服之又名應
聲虫當服雷丸自愈 有飲油五升以來方始快意長得
眠則安不爾則病此是虫入胃被氣血裹了化爲虫也用
雄黃半兩爲末水調服虫自出如虫活者置於油中遂巡
間連油潑之長江 治臥於床四肢不能動只進得食好
大言說喫物謂之失說物望病治法如說食猪肉時便云

你喫猪肉一頓病者聞之卽喜遂置肉令病人見臨要却不與喫此乃失他物望也當自睡中涎出便愈 手十指節斷壞唯有筋連無節肉垂出如燈心長數尺餘遍身綠毛卷名曰血餘以茯苓胡黃連煎湯飲之愈 遍身忽皮底混混如波浪聲痒不可忍抓之血出不能解謂之氣奔以人參善枝青鹽細辛各一兩作一服水二碗煎十數沸去查飲盡便愈 眼白渾黑見物依舊毛髮直如錢條雖能飲食不語如醉名曰血潰用五靈脂爲末二錢酒調下 因着艾灸訖大痂便退落瘡內鮮肉片子飛如蝶形狀騰空去了痛不可忍是血肉俱熱用大黃朴硝各半兩爲末水調下微利卽愈 臨臥渾身虱出約至五升隨至血肉俱壞每宿漸多痒痛不可言狀雖喫水臥床晝夜號哭舌尖出血不止身齒俱黑唇動鼻開但飲鹽醋湯十數碗

卽安 眼赤鼻張大喘渾身出班毛髮如銅錢乃胃中熱
毒氣結於下焦用白礬滑石各一兩爲末作一服水三碗
煎至半令不住飲候盡乃安 有虫如蠅走於皮下作聲
如小兒啼爲筋肉之化用雷丸雄黃各一兩爲末摻在猪
肉片上炙熟喫盡自安 手足甲忽然長倒生肉刺如錐
痛不可忍喫葵菜自愈 鼻中毛出晝夜可長一二尺漸
漸粗圓如繩痛不可忍雖忍痛摘去一莖卽後更生此因
食猪羊血過多遂用乳香礪砂各一兩爲末以飯圓梧桐
子大空心臨臥各一服水下十粒自然退落 面上及遍
身生瘡似貓兒眼有光彩無膿血但痛痒不常飲食減少
久則透脛名曰寒瘡多喫魚鱉韭葱自愈 脇破腸出臭
穢急以香油摸腸用手送入煎人參枸杞淋之皮自合矣
喫羊腎粥十日卽愈 口鼻中氣出盤旋不散涎如黑墨

色過十日漸漸至肩胸與肉相連堅勝金鐵無由飲食此
多因瘡後得之煎澤瀉湯日飲三盞連服五日愈 偏身
忽然肉出如錐既痒且痛不能飲食此名血擁若不速治
潰而膿出以赤皮葱燒灰淋洗喫鼓湯數盞自安 眉毛
搖動目不能視交睫喚之不應但能飲食有經日不效者
用蒜三兩取汁酒調下卽愈 毛竅節次血出若血不出
皮脹膨如鼓須臾眼鼻口被氣脹合此名脈溢飲生姜水
汁各一二盞卽安 忽然氣上喘不能語言口中汁流吐
逆齒皆搖動氣出轉大則悶絕蘇復如是名曰傷寒併熱
霍亂用大黃人參末各半兩水三盞煎至一盞去滓熱服
可安 口内生肉穢臭惡自己惡見有根線長五寸餘如
釵股吐絛出飲食了卻吞其線以手輕捏痛徹於心困不
可言用水調生麝香一錢服三日驗 渾身生燎泡如甘

棠梨每箇破出水內有石一片如指甲大泡復生抽盡肌
肉不可治急用荆三稜蓬莪朮各五兩爲末分三服酒調
連進愈 頭面發熱有光色他人手近之如火燒用蒜汁
半兩酒調下吐如蛇狀遂安 人自覺自形作兩人並臥
不別真假不語問亦無對乃是離魂用辰砂人參茯苓濃
煎湯服之真者氣爽假者化也 男子自幼喜飲酒至成
丁後日飲一二升不醉片時無酒叫呼不絕全不進食日
就羸弱令其父用手巾縛住其手足不令動搖但扶少立
卻取生辣酒一壺就於其子口邊打開其酒氣衝入口中
病者必欲取飲堅不可與之須臾口中忽吐物一塊直下
壺中即用帛封裹壺口用猛火燒滾約酒乾一半卽開視
之其一塊如猪肝樣約三兩重遇回有小孔如針眼不可
數計棄之於江飲食復舊雖滴酒不能飲矣 夜間飲水

誤吞水蛭入腹經停月餘日必生下小蛭能食人肝血腹痛不可忍面目黃瘦全不進食若不早治能令人死用田中乾泥一小塊小死魚三四箇將猪脂溶攪勻用巴莖十粒去殼膜研爛入泥內爲丸莖莖大用田中冷水吞下十丸小兒只用三丸至五丸須臾大小水蛭一時皆瀉出卻以四物湯加黃芪煎服生血補理方見婦人門通治類婦人產後忽兩乳伸長細小如腸垂下直過小肚痛不可忍危亡須臾名曰乳懸將川芎當歸各二斤半斤剉散於瓦石器內用水濃煎不拘時候多少溫服餘一斤半剉作大塊用香爐慢火逐旋燒烟安在病人面前卓子下要烟氣在上不絕令病人低頭伏卓子上將口鼻及病乳常吸烟氣直候用此一料藥盡看病證如何或未全安畧縮減再用一料如前法煎服及燒烟薰吸必安如用此二料已盡雖兩乳

畧縮上而不復舊用冷水磨草麻子一粒於頭頂心上冷片時後洗去則全安矣 婦人臨產服催生藥驚動太早未嘗離經而用力太過以致盲膜有傷產後水道中垂出肉線一條約三四尺長牽引心腹痛不可忍以手微動之則痛欲絕先服失笑散數服仍用老姜三斤淨洗不去皮於石鉢臼內研爛用清油二斤拌勻入鍋內炒熟以油乾焦爲度先用熟絹段約五尺長摺作結方令穩重婦人輕輕盛起肉線使之屈曲作一團納在水道口卻用絹袋兜裹候油姜稍溫傳在肉線上熏覺姜漸冷又用熨斗火熨熱使之常有姜氣如姜氣已過除去又用新者如此熏熨一日一夜其肉線已縮大半再用前法越兩日其肉縮盡入腹中其病全安卻再服失笑散芎歸湯補理切不可使肉線斷作兩截則不可醫 有人患勞瘵兩年諸藥不效

一日聞肉味其腹痛不可忍又恐傳染移在空房候其自終經停三日病者腹痛氣息將絕思憶肉味之急忽有人患雞子三枚其病人俛仰取火低頭取瓦銚煎熟吹火屢燃屢滅臭中如有所碍將熟間忽噉噴一聲有紅線一條自鼻中出牽抽約二尺長趨下瓦銚中病人知是怪物急用碗覆煎銚中盡力燒火不住其銚欲裂方住火開銚視之乃是小虫一條頭目皆具已煨死如鉄線樣卽以示家人後棄之於江其病卽安 居民逃避石室中賊以烟火熏之欲死迷悶中摸索得一束蘿蔔嚼汁下咽而甦又炭烟熏人往往致死含蘿蔔一片著口中烟氣不能毒人或預曝乾爲末備用亦可或新水搗爛乾蘿蔔飲之亦可自行擷穿斷舌心血出不止以米醋用雞翎刷所斷處其血卽止仍用真蒲黃杏仁去皮尖礪砂少許研爲細末煉

藥絲得所喻化而安 身上及頭面肉上浮腫如

蛇狀者用兩滴醋上背痕一錢水化開塗蛇頭上立消

治病人齒無色舌上白或喜睡不知痛痒處或下痢宜

急治下部不曉此者但攻其上不以爲意則下部生虫食

其肛爛見五臟便死燒艾於管中熏下部令烟入更入少

雄黃良附後 有人被蜘蛛咬腹大如孕婦其家棄之乞

食於道有僧遇之教飲羊乳未幾日而平結結瘰癧妖魅

猶鬼病人不肯言鬼方鹿角屑搗散以水服方寸匕卽實

言也外臺 蛟龍子生在芹菜上食之入腹變成龍子須

慎之用錫粳米杏仁乳餅煮粥食之三升日三服吐出蛟

龍子有兩頭 鬼擊之病得之無漸卒者如刀刺狀胸脇

腹內切痛不可抑按或卽吐血衄血下血一名鬼排斷白

犬頭取熱血一升飲之

馬希聖年五十餘性嗜酒常痛飲不醉糟粕出前竅便溺出後竅六脈皆沉澁與四物湯加海金沙木香枳榔木通桃仁服而愈此人酒多氣肆酒升而不降陽極虛酒濕積久生熱煎熬血乾陰亦太虛陰陽偏虛皆可補接此人中年後陰陽虛時暫可活者以其形實酒中穀氣尚在三月後其人必死後果然